




爾雅義疏

釋言二



爾雅郭注義疏卷二

棲霞郝懿行學



釋言第二疏

言者說文云直言曰言釋名云言宣也

也博舉古人之語而以今語釋之也言與詁異詁之為言古約取常行之字而以異義釋之也言即字也釋言即解字也古以一字為一言此篇所釋皆單文起義多不過二三言與釋詁之篇動連十餘文而為一義者殊焉故次釋言

殷齊中也注書曰以殷仲春釋地曰岷齊州以南疏

上篇

首言始末言終此篇首言中亦末言終蓋以中統始終之義而包上下之詞也中者玉篇云半也喪服小記注中猶閒也殷者周禮大行人云殷相聘也掌客云殷膳大牢鄭注竝云殷中也書舜典馬鄭注同廣雅云殷正也正亦中以殷仲秋史記五帝紀作以正中秋是中也義同齊者易繫辭集解引王肅曰齊猶正也正即中之

訓故詩人之齊聖箋訓齊為中正書天齊于民馬融注
齊中也列子黃帝篇云不知斯齊國幾千里湯問篇云
猶齊州也張湛注竝云齊中也周穆王篇云
四海之齊謂四海之中也亦齊為中之證

斯診離也 注齊陳曰斯診見詩 疏離者廣雅云離分也
云蠡分也楚曰蠡秦晉曰離斯者說文云析也引詩斧

以斯之書有斯明享鄭注斯析也廣雅云斯分也分析

義皆為離故詩墓門釋文及正義引孫炎曰斯析之離

方言云斯離也齊陳曰斯是郭所本通作廝史記河渠

書云乃廝二渠以引其河集解引漢書音義云廝分也

詔者說文云離別也周景王作洛陽診臺按診臺猶離

宮別館也郭云診見詩者邢疏引巷伯云哆

兮侈兮說文哆張口也張開與分離義近

謾興起也 注禮記曰尸謾 疏起者說文云能立也釋名

者特牲少牢饋食俱云尸謾列子黃帝篇云則未嘗見

舟而謾操之者也鄭注及張湛注竝云謾起也少牢饋

食及士虞禮注竝云古文謾或作休詩不我能慙傳慙

興也說文慙起也慙謾聲近慙休聲轉其義俱同矣興

者動也作也發也舉也皆起之

義也周禮注廡興也興廡聲轉

還復返也 注皆迴返也 疏返者說文云還也引商書曰

作反儀禮注反還也詩猗嗟箋及執競傳竝云反復也

岷箋及說文云反覆也覆復聲同其義亦近也還者說

文云復也越語注反也詩還而不入箋還行反也通作

環又通作旋周旋亦反復之義也復者說文云往來也

又云夏行故道也夏復音義同易襍卦云
復反也詩黃鳥及我行其野箋傳竝同

宣徇徧也 注皆周徧也 疏徧者說文云市也易象傳云

匝也俗作遍通作辯又作辨廣雅云辨徧也虞翻注徧周

徧也書徧于羣神史記五帝紀作辯於羣神鄉飲酒禮

眾賓辯有脯醢有司徹云若是以辯鄭注竝云今文辯

皆作徧宣者詩內宣字傳箋俱訓為徧逸周書謚法篇

云聖善周聞曰宣亦以宣為周徧也徇者徇之假音也
說文云徇徧也十日為旬詩來旬來宣傳旬徧也通作
徇史記五帝紀云幼而徇齊索隱引爾雅以徇為周徧
也徇說文作徇爾雅釋文徇本又作徇又通作徇釋文

徇樊本作徇郭音巡張揖字詁云徇今巡按說文徇行
示也行示與周徧義亦近故一切經音義一引三蒼云
徇徧也左氏桓十二年傳三巡數之杜預注巡徧也又
通作洵下文云洵均也均徧義同故詩桑柔正義引李
巡日洵徧
之均也

駟遽傳也注皆傳車駟馬之名疏說文云傳遽也遽傳
竝稱故周禮行夫云掌邦國傳遽之小事鄭注傳遽若
今時乘傳騎驛而使者也玉藻云士曰傳遽之臣鄭注
傳遽以車馬給使者也詩江漢釋文以車曰傳以馬曰
遽故左氏僖卅三年傳且使遽告於鄭成五年傳晉侯
以傳召伯宗則知召伯宗必以車告於鄭必以馬矣蓋
傳之為言轉也以車展轉而期於早達也遽之為言急
也以馬急促而期於速到也後世驛傳起於此矣駟者
說文云傳也驛置騎也騎跨馬也是驛駟義別俗或通
用故左氏文十六年正義引爾雅作驛駟又引舍人曰
驛尊者之傳也驛皆當作駟釋文反音可證舍人之意
蓋據傳云楚子乘駟又云子產乘遽故知尊者乘駟卑
者乘遽也左氏昭二年釋文及正義竝引孫炎云傳車

驛馬也郭注本孫炎今爾雅注驛又誤作駟矣釋文
駟而實反郭音義云本或作遷聲類云亦駟字同

蒙荒奄也注奄奄覆也皆見詩疏奄者說文云覆也詩
箋竝以為覆通作揜說文揜一曰覆也又通作掩揜下
云奔蓋也蓋亦覆故廣雅云奔覆也又通作掩揜下
舊賦注引埤蒼曰掩覆也晉語及吳語注竝云掩蓋也
蒙者冢之假音也說文云冢覆也通作蒙詩君子偕老
傳蒙覆也按葛生蒙楚蒙棘皆以蒙為覆也又通作
或作蒙說文揜蓋衣也法言吾子篇云然後知夏屋之
為幘幘也李軌注幘蓋覆也荒者與奄竝訓大也大
與覆義相成說文云荒艸掩地也掩即覆蓋書惟荒度
土功詩葛藟荒之毛鄭竝云荒奄也皇矣及公劉正義
引孫炎曰荒大之奄也通作幘說文云幘覆也詩遂荒
大東郭注釋詁引作遂幘大東禮投壺云母幘
母敖大戴禮作無荒無傲荒幘亦一聲之轉

告謁請也注皆求請也疏請謁告也巳見釋詁
告謁請謁告也巳見釋詁

肅雍聲也注詩日肅雍和鳴疏經典言肅雍者多矣此
言其聲耳詩鴻鴈傳肅

肅羽聲也。鴉羽傳肅肅。鴉羽聲也。是皆重文。若單文亦為聲。禮祭義云：肅然必有聞乎。其容聲史記孝武紀云：神君來則風肅然。是皆以肅為聲也。以噍為聲者，詩：匏有苦葉，傳：雝雝，雁聲和也。雝與噍同。已詳釋詁。噍，音聲和也。

格懷來也 注 書曰：格爾眾庶。懷見詩 疏 來格懷至也。已見釋詁。至也。已

故格懷又為來轉相訓。來通作戾。戾亦至。戾來古音同也。格者當作假亦作假。竝詳釋詁。通作格。思縉衣云：則也。又通作格。詩：神保是格。中庸云：神之格思。縉衣云：則民有格。心大學云：致知在格。物傳注：竝云格來也。懷者方而言云：來自關而東。或曰：懷釋名云：懷回也。本有去意。回來就己也。亦言歸也。來歸己也。詩：曷又懷止。懷柔百神傳：箋竝云：懷來也。周禮：序官懷方氏學記云：近者說服而遠者懷之。鄭注亦云：懷來也。詩：傳：箋及學記注。又云：懷歸也。歸亦來矣。

吟底致也 注 皆見詩傳 疏 致者說文云：送詣也。詣，候至也。然則致亦至也。至致聲同。

字亦通矣。吟者釋詁云：告也。玉篇引禮記曰：眠於鬼神亦作吟。今曲禮作吟。吟於鬼神。鄭注：吟致也。祝告致於鬼神。辭也。是致告義相成。故吟既訓告，又訓致。郭云：見詩傳者。今毛傳無或當在齊魯。韓詩矣。底者釋詁云：止也。亦致也。書乃言底可績。史記夏紀：作汝言致可績。凡禹貢底字。夏紀俱作致。又敷重底。席鄭注亦云：底致也。通作者。詩者定爾功。傳者致也。釋文者：毛音指文。選報任少卿書注引爾雅：郭璞曰：底音指蓋郭氏音義之文。

侈怙恃也 注 今江東呼母為侈 疏 說文云：恃，賴也。詩：蓼

負也。楚辭注：恃怙也。恃怙，互相訓也。侈者說文：作侈云。恃也。廣韻云：恃，土地也。通作侈。廣韻引爾雅：一云：恃事。曰：侈也。荀子：非十二子篇云：儉然侈然。楊倞注：侈然，恃事。自侈也。荀子：非十二子篇云：儉然侈然。楊倞注：侈然，恃事。自長之貌。郭云：今江東呼母為侈者。方言云：南楚瀑涯之閒，謂婦妣曰：母侈。說文則云：江淮之間，謂母曰：媿。是媿侈音義同。郭意蓋借侈以證侈之為恃。取其聲同。非侈有母稱也。注內侈字。蓋傳寫之譌。怙者，謚法及詩：鴉羽傳：竝云：怙恃也。韓詩云：怙賴也。賴，卽恃之訓。故說文依爾雅云：怙恃也。

律通述也

注皆敘述也方俗語耳

疏述者說文云循也詩日月傳及士喪

少牢饋食注竝云述循也通作術詩報我不述釋文述

本亦作術文選廣絕交論注引韓詩作法也法與律其義又

禮注古文述皆作術按術韓詩云法也法與律其義又

同矣律者釋詁云常也法也奉為常法即述之義故又

訓述中庸注及史記律書索隱引釋名竝云律述也周

禮典同注律述氣者也廣雅云律率也率循即述也通

作聿詩正義引爾雅作聿述也聿即律矣通者釋詁云

自也循也循與自皆述之義也書今民將祗適乃文

考馬融注適述也又通作聿詩適追來孝禮器引作聿追

爾雅作日述也又通作聿詩適追來孝禮器引作聿追

來孝適孫炎以為古述字讀聿故詩聿修

厥德漢書東平思王字傳作述修厥德

俞番然也**注**禮記曰男唯女俞番者應也亦為然

疏然廣雅云鷹也俞者然之聲也內則云男唯女俞鄭注俞

然也凡書曰俞史記五帝紀俱作曰然番者釋文云古

答字一本作答鄉射禮記及郊特牲祭義注竝云答對

也答又為鷹鷹亦然也通作對詩聽言則答新序襍事

俱作聽言則對

五及漢書賈山傳

豫臚敘也**注**皆陳敘也

疏敘者說文云次第也次第其

緒可陳述故晉語注敘述也通作術序書內敘字史記俱

作序豫者舒也序也故釋地釋文引春秋元命包云豫

之言序也亦通作序祭義注序或為豫鄉射禮云豫則

鉤楹內鄭注今文豫為序是序豫同又通作舒釋詁云

舒敘也緒也書曰豫恆燠若史記宋世家作曰舒常與

若大戴禮五帝德篇云貴而不豫史記五帝紀作貴而

不舒是舒豫音又同矣臚者玉篇云陳也韋昭注漢書

及辯釋名竝云臚陳敘也通作臚廣雅云臚舒也史記

司馬相如傳云臚之無窮集解引徐廣曰臚一作臚臚

敘也又通作旅釋詁云旅陳也鄉飲酒及鄉射禮燕禮

大射儀注竝云旅序也士冠禮注古文旅作臚是臚旅

通旅有臚音故周禮司儀云皆旅擯鄭注旅讀為鴻臚

之臚

庶幾尚也

注詩曰不尚息焉

疏尚者說文云尚庶幾也

本爾雅為訓也庶者下

文云幸也幾者與覲同覲亦幸也詩尚無為尚可載也
不尚息焉儀禮尚饗檀弓云尚行夫子之志乎哉大學
云尚亦有利哉箋注竝云尚庶幾也然庶幾二字亦可
單言如論語云其庶乎左傳云庶有豸乎故家語終記
篇王肅注尚庶也庶
字斷文亦其證矣

觀指示也 注 國語曰且觀之兵 疏 釋名云示示也玉篇
云示者語也以事告

人曰示也華嚴經音義上引蒼頡篇云示現也說文云
天垂象見吉凶所以示人也通作視詩視民不佻箋視
古示字也曲禮幼子常視毋誑注視今之示字士昏禮
記視諸衿鞶注示之以衿鞶視乃正字今文作示俗誤
行之莊子應帝王及徐无鬼篇釋文竝云示本作視觀
者見之示也考工記棗氏云以觀四國莊子大宗師篇
云以觀衆人之耳目釋文竝云觀示也按釋宮云觀謂
之闕亦所以表示於人也釋文觀施音館謝音官二音
俱通矣指者手之示也廣雅及離騷注竝云指語也語
亦示也仲尼燕居云治國其如指諸掌而已乎中庸云
治國其如示諸掌乎

若惠順也 注 詩曰惠然肯來 疏 順者釋詁云敘也緒也
逆也故釋名云順循也循其理也逆理為凶順理為從

故特牲饋食記注順從也通作循大射儀云以袂順左
右隈鄭注今文順為循又通作慎禮器云順之至也釋
文順亦作慎易繫辭云慎斯術也釋文慎一本作順皆
其證矣若者詩烝民及閔宮傳禮會子問及禮器注竝
云若順也書之欽若及疇咨若時史記五帝紀若俱作
順通作如有司徹注今文若為如說文如从隨也从隨
即順亦其義也惠者詩終溫且惠維此惠君傳箋竝云
惠順也

敖懶傲也 注 禮記曰無懶無傲傲慢也 疏 傲者說文云
倨也倨不遜

也廣雅云傲傷也傷慢亦倨傲也通作敖詩彼交匪敖
漢書五行志作匪傲匪傲又通作稟說文云稟媪也引
虞書曰若丹絳稟漢書劉向傳作母若丹朱敖今書作
無若丹朱傲敖者說文云出游也从出从放按出外放
游皆無拘檢之意故又訓傲釋詁云謔浪笑敖戲謔也
舍人注敖意舒也詩鹿鳴傳敖遊也廣雅云敖戲也戲

遊舒放俱與傲慢義近重文亦然故釋訓云敖敖傲也俗作遨詩以敖以遊釋文敖本亦作遨莊子列禦寇篇釋文同撫者禮投壺云毋撫母敖鄭注撫敖慢也通作荒無詩亂如此撫箋撫敖也甚敖慢無法度也又通作荒

幼鞠穉也注書曰不念鞠子哀疏說文云穉幼禾也方

也通作稚方言注穉古稚字五經文字云穉字林作稚詩植穉菽麥說文作植穉未麥幼者說文云少也釋名

云言生日少也曲禮云人生十年曰幼按十年者舉成數實則十五以前通曰幼故喪服傳注子幼謂年十五

已下鞠者毓之假音也說文毓同育詩管育恐育鞠鄭箋管育育稚也廣雅云毓穉也通作鬻詩鬻子之閔斯

傳鬻稚也文選洞簫賦注鬻育古字同又通作鞠鞠者詩鴟鴞正義引爾雅作鬻稚也而云郭璞曰鞠一作毓

證知爾雅古本作毓稚所引蓋郭音義之文也毓鬻鞠俱聲義近而字亦通又通作粥即鬻字之省

逸譽過也注書曰汝則有逸罰疏過者說文云度也玉

義又為失因失之義又為誤也謬也皆展轉相生爾雅此義則主於謬失也逸者說文云失也周語引書盤庚

曰國之不臧則惟余一人是有逸罰韋昭注逸過也通作佚書誕淫厥佚史記魯世家作誕淫厥佚集解引馬融注紂大淫樂其逸書淫佚于匪彝釋文佚又作逸亦

作佚又通作侑書大淫佚有辭釋文佚又作侑馬本作肩云過也按肩从肩聲與逸音近今肩作肩音私列切

其音遠矣譽者籀文愆字說文愆過也經典愆譽通用故詩不愆于儀禮緇衣作不愆于儀岷蕩釋文竝云愆

本又作譽又通作逖說文逖過也又通作憲說文愆或从寒省諡法云寒過也詩不愆于儀岷蕩釋文竝云愆

引詩作不愆即寒字耳又通作愆文選贈士孫文始詩注經音義三云愆不忘後漢書馬防傳注愆過也一切

疑休戾也注戾止也疑者亦止疏戾者釋詁云止也戾

定也巳詳釋詁疑者戾之假借也說文戾未定也蓋辭

也士昏禮云婦疑于席西注疑止吟辭立自定之貌是疑俱兼止定二義疑禮立

疑讀如仇然從於趙盾之仇是疑鄭讀為仇儀禮釋文
竝云疑魚乙反此音是也爾雅釋文無音蓋讀如字非
矣此不知疑乃假借耳休者釋詁云息
也息亦止詩民勞傳休定也定即戾矣

疾齊壯也注壯壯事謂速也齊亦疾疏壯者廣雅云健
也健彊與疾速

義近莊子徐无鬼篇云百工有器械之巧則
壯釋文引李頤注壯猶疾也釋詁云齊疾也

械褊急也注皆急狹疏也急者說文云褊也釋名云急及
之為言猶汲汲矣械者心之急也械與亟音義同釋詁
云亟疾也速也速疾皆急械通作戒詩我是用急鹽鐵

論繇役篇作我是用戒即械也又通作革文選三國
名臣序贊注引蒼頡篇曰革戒也戒亦械也戒俱械字

之省釋文械或音戒非矣又通作棘詩棘人樂樂兮毛
傳棘急也正義引釋言文棘人崔靈恩集注作械人皆

其證也褊者衣之急也賈子道術篇云包眾容易謂之
裕反裕為褊詩維是褊心按褊裕俱从衣說文別有褊

字从心云褊急也然經
典俱不用唯借用褊

賈賈市也注詩日抱布賈絲疏詩東門之枌正義引風
俗通云市恃也養贍老

少恃以不置也說文云市買賣之所也按市兼買賣二
義齊策云竊以為君市義此以買為市也越語云又身

與之市此以賣為市也故史記項羽紀集解云市賈易
也周禮司市注市者人之所交利皆其義也賈者說文

云易財也一切經音義六引三蒼云賈易也交易物為
賈也聲轉為買故下文云賈買也詩岷傳用下文實則

買亦為市故說文云買市也賈者說文云賈市也一日
坐賣售也白虎通云賈之為言固也固其有用之物以

待民來以求其利者也行曰商止曰賈然則居處賣貨
物曰賈故逸周書命訓篇云極賞則民賈其上孔晁注

賈賣也左氏桓十年傳若之何其以賈害也成二年傳
欲勇者賈余餘勇杜預注竝云賈買也是賈亦兼買賣

二義通作沽論語云求善賈而賈諸漢石經賈作沽沽
依正文當為及說文云秦以市買多得為及及即沽矣

扉陋隱也注禮記日扉用席書日揚側陋疏隱者釋詁
云微也說
文云蔽也通作屮玉篇云屮古文隱字說文云隱也士虞
迟曲隱蔽形讀若隱是隱屮同扉者說文云隱也士虞

書禮樂志及叔孫通傳集注竝云原重也原
或作羸釋文原舍人本作羸郭義本舍人

撫救撫也 注撫愛撫也救義見書 疏撫者說文云安也

也禮文王世子注撫猶有也亦有存恤之意與安義近

通作拊說文拊搯也拊猶撫也荀子富國篇注拊

與撫同撫循慰悅之也爾雅釋訓釋文拊本亦作撫撫

者方言云哀也說文云愛也竝與撫循義近一曰不動

與安義又近矣通作攷說文云攷撫也从攷撫也從亾聲讀與撫

同又通作謀說文云謀撫也从某聲讀若侮按侮某無

亾古俱聲同聲轉之字與今讀異也救者說文云撫也

引周書曰亦未克救公功讀若弭或从人作休周禮

小祝及男巫注竝云救安也書洛誥注亦云救安也

臞臞瘠也 注齊人謂瘠瘦為臞 疏瘠者說文作臞云瘠

通作瘠說文以為臞古文也一切經音義二云瘠古文

瘠瘠瘠三形又通作柴易說卦云為瘠釋文瘠京荀作

柴臞者說文云少肉也史記司馬相如傳云形容甚臞

索隱引韋昭曰臞瘠也舍人曰臞瘠也文選謝靈運初

去郡詩注引爾雅舊注曰臞肉之瘦也通作癯釋文臞

字又作癯文選注臞與癯同臞者說文云齊人謂臞臞

也

梳頰充也 注皆充盛也 疏充者盈也滿也梳者說文云

書光被四表傳云光充本爾雅為訓也淮南修務篇云

段干木光於德寡人光於勢亦以光為充也光之為言

廣也廣光聲同廣充義近故詩敬之傳光廣也水經濟

水注云光里齊人言廣音與光同即春秋所謂守之廣

里者也光通作橫橫廣俱從黃聲黃从光聲古讀橫廣

竝如光故樂記云號以立橫孔子問居云以橫於天下

鄭注竝云橫充也書之充被四表後漢書作橫被四表

漢之橫門亦稱充門矣一切經音義十四云梳古文橫

橫二形同音充是其證也頰者釋

詁云光也頰聲轉故其義同

屢暱亟也 注親暱者亦數亟亦數也 疏亟者釋詁云疾

也言頻數也禮少儀云亟見曰朝夕吳語云而天祿亟

至鄭注及韋昭注竝云亟數也方言云亟愛也廣雅云

也

也

也

也

也

也

也

也

亟敬也敬愛亦緣亟數而生也屢者釋詁與亟俱訓疾屢屢字同故釋言釋文云屢本又作屢詩賓之初筵傳屢數也桓箋屢亟也正月及巧言箋又云屢數也亦通作數公羊宣十二年注屢往來為惡言釋文屢又作數音朔是數屢通暱者釋詁云近也暱訓親近與亟訓愛敬義同

靡罔無也

疏

無者說文作𠂔云𠂔也一切經音義六引聲類云無虛無也通作无易以无為無說

文云奇字無通於无者虛無道也又通作𠂔古有無字俱作𠂔詩何有𠂔論語𠂔而為有是也又通作母史記魯世家引書無逸作母逸漢書車千秋傳引無偏無黨作母偏母黨是也靡者細也小也皆與無義近又訓盡也空盡即虛無故詩靡日不思之歿矢靡他箋傳並云靡無也罔者从𠂔亦無易君子用罔馬融王肅注並云罔无也書罔水行舟史記夏紀作母水行舟罔有攸赦殷紀作無有攸赦罔古讀如莽無古讀如模靡罔無俱一聲之轉小爾雅云勿蔑微曼末沒無也今人言無有曰沒或有曰末有亦曰靡有皆一義也蔑以加言無以加也微管仲言無管仲也微古讀如眉勿古讀如沒是勿微曼末亦靡罔之聲轉

爽差也爽忒也

注

皆謂用心差錯不專一

疏

差者說文

也段氏注貳作貳按籀文𠂔从二二謂心不一也士或二三其德所以過差也故參差之字从二三大玄廓云或生之差范望注差過差也爽者說文云明也从𠂔切二爻也二不專一故又訓差詩女也不爽其德不爽傳並云爽差也方言云惟事其爽侮老子云五味令人口傷敗亦過差也書云惟事其爽忒老子云五味令人口爽列子黃帝篇云昏然五情爽忒竝以爽為差也周語云實有爽德又云言爽日反其信韋昭注竝云爽貳也依段注貳亦貳矣○爽又訓忒者忒亦差也廣異訓老子云常德不忒釋文引顧云忒爽也漢書賈誼傳注爽忒也忒說文作忒云失常也通作忒云更也更變亦失常故詩鞫人忒忒享祀不忒傳箋竝云忒變也正義俱引孫炎曰忒變襍不一不忒傳箋竝云忒變也爾雅釋文忒或作忒是忒忒通又通作貨易豫釋文忒京本作貨月令云宿離不貸又云無或差貨呂覽貨俱作忒又通作貨書云衍忒史記宋世家作衍貨又通作貳禮緇衣引詩其儀不忒釋文忒本或作貳音二

俚貳也注俚次為副貳疏貳者說文云副益也周禮道

孟子館甥於貳室竝以貳為副也貳又代也相更代亦為副益也俚者說文云俚也詩決拾既俚周禮

齊也大玄永云其命劑也范望注劑剪絕也周禮小宰

鄭注齊剪也剪斷其義同劑者說文云齊也玉篇云剪

今聽賣買以質劑鄭注質劑謂兩書一札同而別之皆

子人通作剪詩實始剪商毛傳剪齊也鄭箋剪斷也莊

通又通作戩說文引詩剪乎釋文剪齊也滅亦斷是前

刀為劑刀者劑聲轉釋文劑即隨反釋名

饋餽稔也注今呼簪飯為饋饋熟為餽疏稔者餽之假

大熟也又輒云會餽也引易曰輒餽今易鼎文作亨餽

方言云餽熟也通作臚聘禮記云賜饗唯羹餽鄭注古

文餽作臚詩楚茨傳亨餽之也釋文餽本又作臚又通

作稔稔穀熟也釋文稔字又作餽詩澗酌釋文引爾雅

正作餽說文亦饋餽餽三字連文可證矣饋者說文作

饗或作饋饗云脩飯也郭云簪飯者釋文引蒼頡篇云

飯澗酌釋文引孫炎云蒸之曰饋均之曰餽然則饋者

半蒸之尚未熟故釋名云饋分也眾粒各自分也餽者

說文云飯氣蒸也詩正義引作飯氣流也蓋餽之為言

媵將送也注左傳曰以媵秦穆姬詩曰遠于將之疏送

說文云遣也从倂省籀文不省荀子富國篇云送逆無

禮楊倂注送致女是送以致為義故漢書會貨志應劭

注送致也媵者倂之假音也說文云倂送也引呂不韋

炎曰送女氏以伊尹倂女通作媵後漢書皇后紀注引孫

媵故易象傳云媵按本解以送女為媵經典凡送亦通曰

鄭注竝云騰送也又通作騰燕禮注今文騰皆作騰大射儀注古文騰皆作騰公會大夫禮云眾騰羞者鄭注騰當作騰易之騰口說今作騰揚作騰揚舉也騰送也揚近得之鄉飲酒義及射義揚解鄭注竝云今禮揚皆作騰燕禮騰聲轉騰騰聲近騰揚之義又近揚舉與騰送義亦近矣將者說文云將扶也通作將詩我將箋將猶奉也聘禮記注將猶致也義皆為送故詩百兩將之周禮小宰裸將之事傳注竝云將送也詩燕燕箋將亦送也

作造為也 疏 用造為三字竝見詩緇衣篇為與偽古通為矣作者書凡言作史記俱訓為詐與詐古通用月令注作為為詐偽然則詐之通作亦猶偽之通為作偽二字俱从人是皆人之所為矣造者詩小子有造遭家不造傳竝云造為也尚無造傳又云造偽也偽亦為也周禮膳夫及儀禮士冠禮記注竝云造作也作亦為也

齧餼會也 注 方言云陳楚之間相呼會為齧 疏 會者釋名云會

殖也所以自生殖也會與飯異故少牢饋會云尸又會鄭注或言會或言飯會大名小數曰飯會與糧異故周禮廩人云則治其糧與兼乾濡二義爾雅之會亦兼二居曰會謂米也然則會兼乾濡之內相謁而會麥餼謂之名也齧者方言云會也陳楚之內相謁而會麥餼謂之齧郭注餼糜也音旃是齧為濡會說文云餼也則亦為乾會矣麥餼者荀子富國篇云夏日則與之瓜麩云煮一切經音義十三引字書曰麩麥甘粥也蒼頡篇云煮麥也按今人煮大麥為粥夏日食之解暑其遺象也餼者說文云乾會也一切經音義七引字林云乾飯也飯會亦通名耳故詩伐木傳餼會也公劉釋文餼字或作糗通作糗書時乃糗糧說文引作時乃餼糧是餼糗通糗糗也說文糗乾也糗熬米麥也按今時碎大麥為削以會之謂為餼善止飢

夏月會之又解暑

鞫究窮也 注 皆窮盡也見詩 疏 窮者說文云極也小爾雅云竟也竟極聲轉義同又訓終也巳也窘也困也諸義又皆為盡也鞫者鞫之假音也說文云鞫窮也从鞫聲鞫與鞫同鞫窮理罪

同又訓終也巳也窘也困也諸義又皆為盡也鞫者鞫之假音也說文云鞫窮也从鞫聲鞫與鞫同鞫窮理罪

人也楚辭天問篇云皆歸舛籟王逸注籟窮也通作鞠
詩谷風傳及雲漢瞻仰箋竝云鞠窮也公劉傳鞠究也
究亦窮也又通作鞠爾雅釋文鞠字又作鞠詩南山及
小弁傳竝云鞠窮也南山及節南山箋傳竝本釋詁云
鞠盈也盈與窮亦義相成也究者詩鴻鴈及蕩傳節南
山箋竝云究窮也逸周書文酌篇云維有永究孔晁注
究終也終亦窮也究又畢也盡也竟也極也皆窮之訓
也究聲與九近陽窮於九故列子天瑞篇云九變者究
一也究鞠窮俱

溷矜鹹苦也注溷苦地也可矜憐者亦辛苦苦即大鹹

疏言也釋名云苦吐也人所吐也書炎上作苦苦聲近
監鹽是監苦通矣溷者說文祭祀其苦鹽杜子春讀苦
為監之序西方謂之鹵玉篇作溷云苦地也引書海濱廣
謂之序西方謂之鹵玉篇作溷云苦地也引書海濱廣
溷易說卦云為剛鹵釋名云地不生草木其土苦惡故曰苦
矣矜者釋訓憐也矜憐古音疊韻矜本作矜從令得聲

慈銘案詩小雅何人不矜窶
讀矜為鯀釋詁鯀病也此
詩上文何草不黃何草不韮
詁在黃病也矜又與瘵通書
瘵乃身後漢書注引作瘵
矜乃身瘵瘵皆病苦也無妻
曰鯀窮民之一窮亦苦也郭注
望文為說却氏遂云苦有二義
迂曲甚矣

令古讀如憐也矜訓苦者苦味近辛故言辛苦愁苦悲
辛皆可矜憐然則苦有二義味苦曰苦矜憐其苦亦為
苦也詩爰及矜人毛傳矜憐也居以凶矜傳矜危也危
苦義近爾雅釋文矜作齡玉篇齡苦也按齡字非郭義
蓋俗作耳鹹者說文云銜也北方味也書潤下作鹹鹹
極必苦故淮南陰形篇云鍊苦生鹹今驗海水鹹煮鹽
味苦是
其證矣

干流求也注詩曰左右流之流覃也覃延也**注**皆謂蔓

延相被及疏求者檀弓注求猶索物穀梁定元年傳求

求也通作奸漢書孔光及黃霸傳注竝云奸求也奸干

古字通用故左氏成十六年傳奸時以動釋文奸本或

作干是其證矣流求疊韻○覃又訓延者延移相被及故

詩葛覃傳覃延也施移也又流亦移義故考工記弓

義訓其禮中庸注竝云流猶移也然則流覃延三字轉相

佻偷也

注謂苟且

疏以俗說文作偷云薄也大司徒云

昭十年正義引孫炎亦曰偷苟且也皆郭所本偷又單

訓苟故晉語云人孰偷生韋昭注偷苟也佻者說文云

愉也引詩視民不佻通作佻今詩作視民不佻毛傳佻

昭十年傳佻之謂甚矣正義引李巡曰佻偷薄之偷也

周語云而郤至佻天之功以為己力韋昭注佻偷也

工記梓人注淡猶藏也藏伏即潛之訓也潛者說文云

也隱伏藏其義又皆為淡故後漢書班彪傳注潛淡也

方言又云潛沈也沈亦淡也沈淡潛測俱聲相轉○潛

篇注度淡曰測是測兼度淡及淡所至之名道

穀鞠生也**注**詩曰穀則異室**疏**象艸木生出土上文進也

魏都賦注引劉勰易義云自無出有曰生周禮大宰注

生猶養也是生兼活也養也二義爾雅之生亦猶是矣

穀者詩穀則異室自何能穀傳箋竝云穀生也是皆以

生活為義也小弁蓼莪四月皆言民莫不穀箋竝云穀

養也是皆以生養為義也穀字之訓二義盡之鞠者詩

蓼莪傳鞠養也通作育釋詁云育長也長養義皆為生

又通作毓大司徒云以毓草木晉語云怨亂毓災注竝

以毓為生也毓與鞠聲近義同故爾雅之鞠穉詩鴟鴞

正義引郭璞曰鞠一作毓是毓鞠通

啜茹也**注**啜者拾食**疏**茹者說文云飢馬也玉篇云飯

云茹會也吳越之間凡貪飲會者謂之茹郭注今俗呼

古

牙

但訓會郭云拾會者蓋取掇拾為義非爾雅之惜也知者左氏定四年正義引舍人曰啜茹會也是啜訓茹茹以啜兼飲言亦非

茹虞度也注皆測度也詩曰不可以茹疏度者釋詁云

尺之名詩子寸度之寸即寸寸度言若以尺寸量度之也左氏昭廿八年傳心能制義曰度賈子道術篇云以人自觀謂之度皆寸度之義也茹者釋詁云如謀也如茹同詩不可以茹獫狁匪茹來咨來茹傳箋云茹度也虞者詩有虞殷自天無

貳無虞傳箋云虞度也

試式用也注見詩書疏用者說文云可施行也方言云

由之言小大用之也一切經音義七引蒼頡篇云用以也亦用也雖不吾以言雖不吾用也通作庸說文云庸用也書五刑五用哉後漢書梁統傳作五刑五庸哉試者說文云用也引虞書曰明試以功詩師干之試論語吾不試傳注云試用也秦策云式於政不式於勇高誘注亦已傳竝云式用也

云式用也方言云由式也然則式亦由也由亦用矣

誥誓謹也注皆所以約勤謹戒眾疏謹者慎也謹與誠

也誠謹一聲之轉誥者釋詁云告也荀子大略篇云誥誓不及五帝楊倞注誥誓以言辭相誠約也漢書刑法

志注誥謹也以荆治之令謹敕也誓者說文云約束也釋名云誓制也以拘制之也拘制約束皆所以為謹敕也故曲禮云約信曰誓文王世子云曲藝皆誓之鄭注

誓謹也皆使謹習其事大戴禮子張問入官篇云故儀不正則民失誓盧辯注誓敕也敕亦謹

也大射儀注誓猶告也是誓誥義同

競逐彊也注皆自強勉疏彊者說文云弓有力也釋名

勤也學記云知困然後能自強也鄭注自強修業不敢倦法言五百篇云或性強李軌注強者習學以至也

競者說文云彊語也一曰逐也从訓逐也二人按二義俱本爾雅從言故訓彊語從二人故訓逐也詩桑柔烈文

傳及抑執競箋竝云競彊也職競用力不競不絺箋又云競逐也淮南原道及俶真篇注亦云競逐也通作倞

音義九云室古文憤同葬者說文云瘞也瘞葬互訓義俱為塞故詩傳以塞為瘞爾雅以葬為塞也通作狸周禮大宗伯以狸沈祭山林川澤即爾雅釋天云祭地曰瘞葬也又通作埋詩鳧鷖箋有瘞埋之象釋文埋字亦作葬祭法云瘞埋於泰折祭地也

黼黻彰也 注黼文如斧黻文如兩己相背 疏說文彰文廣雅

云彰明也通作章書彰厥有常史記夏紀作章其有常孝經云神明章矣釋文章本又作彰推是而言如考工記畫績之事云襍四時五色之位以章之鄭語云其子孫未嘗不章韋注章顯也凡此皆以章為彰也黼者說文云黼白與黑相次文黻黑與青相次文本考工記為說也而不言所象為何物爾雅釋器但云斧謂之黼於黻字仍無說書益稷傳及左氏桓二年注郭氏此注並云黻也兩已相背唯漢書韋賢傳集注紱畫為亞文亞古弗字也與舊說異阮雲臺師曰自古畫黻作亞形明兩弓相背非兩己相背也兩弓相背義取于物與斧同類兩己何物邪得非兩弓相背之誤與漢書師古注黻畫

為亞文亞古弗字於邈本譌黻此語必有師傳非師古所創云云今按以音義推之黼从甫聲其訓為斧黻从夂聲其訓為弗又兩弓相並為弣兩弓相背為亞似有意義釋文云黻戾也戾即弗字之意師古之說蓋有徵矣黼黻訓文云黻者荀子富國及禮論篇並云黻文文章章即彰矣書益稷言黼黻又言彰施亦此義也 **膺身親也** 注謂躬親 疏親者說文云至也祭義云其親聽命其義亦同文王世子注親猶自也公羊莊廿二年傳注親躬親也通作親說文云親至也汗簡云親出尚書是親古親字矣膺者說文云膺也膺與躬身義近故並訓親少儀云執箕膺鄭注膺親也膺與躬身義近故也躬身互訓其義同詩云弗躬弗親呂覽孟春紀注躬親也士昏禮記注躬猶親也樂記注躬猶已也即身釋詁云身我也已與我皆親之詞亦即身訓親之義也

愷悌發也 注發發行也詩曰齊子愷悌 疏發者廣雅云發撥也撥使開也開則明故詩長發釋文撥韓詩作發發明也論語亦足以發不悱不發發俱訓明發又進也

佳二

行也詩履我發兮遂視既發傳箋竝云發行也爾雅之
發則以開明為義不兼行進為義也愷悌者闔闔之假
音也說文云闔開也廣雅云闔明也闔者說文引尚書
曰闔闔升雲半有半無讀若驛今書洪範即作曰驛古
文本作曰闔史記集解引鄭注曰闔者色澤而光明也
是闔訓明曰闔宋世家作曰涕聲之假俗故詩齊子豈
弟箋云豈讀當為闔弟古文尚書以弟為闔明也正
義引舍人李巡孫炎郭璞皆云闔明發行是諸家竝以
闔明訓豈弟與鄭義同唯以發為發行則異今郭注但
有發行之文而無闔明之語以發為發行則豈弟訓樂
矣愷悌訓發者愷悌即豈弟經典豈弟訓樂易此訓闔
明蓋經師舊說相傳謂然故鄭箋云此豈弟猶言發夕
也然則發訓明不訓行發夕猶旦夕也釋文引韓詩云
發旦也且亦明也故說文引禮旦明五通為發明詩小
宛又云明發其
實皆一義耳

髦士官也注取俊士令居官疏玉篇云宦也古微書引
春秋元命苞云官之為言宣也周禮宰夫云掌小官之
戒令鄭注小官士也士相見禮注居官謂士以下祭法

注官師中士下士然則官為總名也髦士者釋文云毛
中之長豪曰髦士之俊傑者俗警為名是髦士為俊選
之嘉稱故下文云髦士之俊也選士俊士
司馬辨論官材論定然後官之故曰官也

駿農夫也注今之嗇夫是也疏農者一切經音義引說
人字春秋繁露云農者民也莊子讓王篇釋文引李頤

云農農人也爾雅之農夫則謂農官耳駿者說文云農
夫也本爾雅駿不言田省文也農不言大夫亦省文也
實則田駿是官名大夫是爵號故詩田駿至喜毛傳田
駿田大夫也田大夫即農大夫或疑爾雅農夫之間當
脫大字據周語云命農大夫咸戒農用韋昭注農大夫
田駿也以此為證今謂不然古人文字不拘故有稱農
大夫者周語云農正再之韋昭注農大夫者周語云農
書酒誥是也亦有稱農者爾雅是也再之韋昭注農
農正后稷之佐田駿也亦有單稱農者郊特牲云饗農
鄭注農田駿也是皆農不必稱大夫之證猶之田駿亦
單稱駿爾雅此文是也亦單稱大夫之證猶之田駿亦
鄭注田駿主農之官是也又田駿二字不必兼
稱之證然則田駿即農官故詩七月正義引孫炎曰農

夫田官也郭云今之嗇夫者詩甫田箋田峻司嗇今之
官志具
有其文

蓋割裂也注蓋未詳疏裂者與列同說文列分解也廣

釋文裂本又作列莊子天下篇云道術將為天下裂是

裂列俱以分解為義也蓋者釋文云古害反舍人本作

害是害蓋通又與割同割者害也釋名云害割也如割

削物也說文云割剝也从害聲故割與害同又與蓋同

見禮記緇衣注是蓋割也相害三字以聲為義也阮芸臺師

曰害易益未古音皆相近每加偏旁互相假借若以

為正字則失之書呂荆云鰥寡無蓋蓋即害字之俗言

堯時鰥寡無害也孟子書堯都君兼言井廩亦當訓害

也害字與割音義最近書堯典洪水方割大誥天降割

之類皆害字之俗也害字與蓋亦近爾雅釋文蓋舍人

本作害書君奭云割申勸寧王之德鄭氏緇衣注割之

言蓋是也益與曷同音故孟子時日害喪害即曷也益

與未未亦最近故公羊襄廿七年傳曰昧雉彼視何

休注昧割也邵公之意若曰有渝盟者視此割雉也

邕支載也注皆方俗語亦未詳疏載者說文云藥也釋

也通作戴詩載弁俵俵此篇下文郭注引作戴弁俵俵

邕者釋文云又作擁邢疏引謝氏云邕字又作擁釋云

擁者護之載也支者邵氏正義云支與楛通楛柱所以承載詳見下文

誣諉累也注以事相屬累為誣諉疏累者說文作纍云

纍力佳切繫也又力偽切延及也累同纍是纍為正體

隸省作累今讀累力偽切纍力佳切以爲二字非矣釋

文累本又作纍字又作紮是紮纍又通矣諉諉者說文

云諉諉纍也諉纍也是諉諉連文及單文俱訓纍也釋

文引孫炎云楚人曰諉秦人曰諉是諉諉疊韻二字義

同玉篇云諉託也漢書賈誼傳注引蔡謨曰諉者託也

漠察清也注皆清明疏清者說文云肰也激水之見文

注清靜也易彖上傳虞翻注清猶明也是清兼明靜二

義靜猶淨也方言云清急也急猶激也故方言又云激

清矣漢者說文云清也釋文引樊光云漠然清貌音莫漢書賈誼傳注漠靜也是漢為靜之清矣察者審之清也釋詁云察審也禮器注察猶明也老子云俗人察察河上公注察察急且疾也又與清急義合

庇麻蔭也注今俗語呼樹蔭為庇麻疏說文蔭之或體也

篇引作草蔭地也是蔭從艸其實樹木之蔭亦謂之蔭故淮南說林篇云蔭不祥之木人閒篇云蔭暘人於樾下皆以樹陰為蔭也通作陰詩既之陰女箋以陰為覆

陰釋文陰鄭音蔭覆蔭也左氏昭元年傳趙孟視蔭釋文蔭本亦作蔭又通作蔭爾雅釋文蔭字亦作蔭詩雲漢釋文蔭本亦作蔭又通作蔭庇者說文雅釋文蔭字亦作蔭記輪人注竝云庇覆也左氏文十七年正義引舍人曰庇蔽

也蔽亦覆蔭也方言云庇寄也寄託義亦同也通作蔭雲漢釋文蔭本亦作蔭又通作蔭庇又通作蔭庇周禮遂師釋文庇本又作庇麻者說文與休舍人曰苾依止也从人依木釋詁云

又作庇麻者說文與休舍人曰苾依止也从人依木釋詁云休息也左傳正義引舍人曰苾依止也从人依木釋詁云淮南精神篇云得苾越下高誘注苾蔭也止息義皆為蔭

蔘樹下為苾也釋文麻字又作苾依止也从人依木釋詁云蔘樹下為苾也釋文麻字又作苾依止也从人依木釋詁云

穀履祿也注書曰既富方穀詩曰福履將之履禮也注禮可以履行見易疏與祿者釋詁云福也廣雅云善也善也孝經注會廩為祿是祿兼二義爾雅亦然也穀者上

文云生也釋詁云善也善與祿二義爾雅亦然也穀者上爾哉穀菽菽方有穀傳箋竝云穀祿也孟子穀祿不平

趙岐注穀所以為祿也亦與此義合矣履者釋詁與祿竝云福也詩福履綏之傳履祿聲轉義同說文

云禮履也所以事神致福也亦與此義合矣履者釋詁與祿履訓禮者祭義云履無咎言皆以履為禮也詩履我即兮

之禮也坊記云履無咎言皆以履為禮也詩履我即兮率履不越傳竝云履禮也郭云見易者序卦云履者禮也履禮疊韻履祿雙聲故古皆以為訓履禮字通亦詳

也履禮疊韻履祿雙聲故古皆以為訓履禮字通亦詳

隱占也注隱度疏占者漢書陳遵傳云口占書吏集注

之瞻反敘傳云大臣名家皆占數于長安集注占度也
自隱度家之口數而著名籍也然則占者億度之詞與
占候之義亦近釋文無音蓋讀如字玉篇占之鹽切候
也候何亦隱度之言是占亦不必音之瞻反矣隱者文
選郭有道碑文注引劉熙孟子注曰隱度也管子禁藏
篇注亦同少儀云隱情以虞鄭注隱意也思也按意與
億則屢中之億同億謂以意度之故禮運云非意之也
鄭注意心中所無慮也無慮亦隱度之義然則意亦隱也
隱意聲轉字通故左氏昭十年經
云季孫意如公羊作季孫隱如

逆迎也 音轉字通已詳釋詁又與輅同左氏僖十五
年傳輅秦伯宣二年傳狂狡輅鄭人輅俱訓迎逆者逆

策云故專兵一志以逆秦高誘注逆拒也拒與迎義相
反者逆對順言故有拒意逆以迎言故有逢意詁訓有
相反而相同
者此類是也

憊會也 注發語辭見詩疏 會者說文云詞之舒也會又

乃也憊者替之假音也說文替會也引詩替不畏明通
作憊詩民勞釋文憊本亦作憊左氏昭廿年傳作

慘不畏明釋文慘會也慘憊聲同憊會聲轉

增益也 注今江東通言增 疏益者說文云饒也玉篇云

也是益以增多增長為義也增者說文云益也廣雅云
加也重也累也爾雅釋訓云增增眾也是皆增多增長
之義通作會說文會部云會從會省會益也詩會孫篤
之箋會猶重也離騷云會歛歛余鬱邑兮王逸注會累
也又通作層招魂篇云層臺累榭王逸注層重也魏大
響碑云蔭九增之華蓋增即層也又通作譚說文云譚
加也又通作檜禮運云夏則居檜巢釋文檜本又作增
又作會今按玉篇檜才陵子登二切即會增之音檜巢
與營窟對文檜亦重累之義然則

檜依義當作增與會假借作檜耳

窶貧也 注謂貧陋 疏貧者說文云財分少也莊子讓王

貝即財分即少矣窶者說文云無財謂之貧說文从貝分
者無禮也貧者困於財一切經音義一引蒼頡篇云無

財曰貧無財備禮曰婁又引字書曰婁空也類聚卅五
引字林云婁貧空也按婁从婁聲婁訓空故以空言聲
兼意也釋名云婁數猶局縮皆小意也小與貧近故荀
子堯問篇有婁小之言小與空又與無禮近也詩云
終婁且貧是貧婁為二婁謂無財可以為禮貧并無以
自給故言且以見意實則貧婁是一故書六極四曰貧
不言婁從
可知也

夢隱也

注謂隱蔽

夢隱也**注**鳴也短氣皆見詩

疏隱者

云微也玉篇云不見也匿也皆藏伏翳蔽之義也夢者
說文作夢云蔽不見也玉篇云隱也蔽也亦作夢華嚴
經音義上引珠叢云夢蔽也離騷云眾夢然而蔽之方
言注夢謂蔽夢也引詩夢而不見蓋夢而即夢然夢然
又即隱然矣通作夢廣韻云夢隱也說文云仿佛也引
詩夢而不見又通作夢今詩作夢而不見說者因以夢
為可夢非也夢即夢之省故廣雅云夢夢也詩夢莫助
之傳夢隱也是其證○吧者吧之或體也說文吧不安
也文選長門賦云舒息吧而增歎兮李善注吧於吧也
一切經音義四引蒼頡篇云吧吧不舒之貌也通作吧

漢書成帝紀贊云言之可為於邑集注於邑短氣貌文
選與滿公玉書云良增邑邑李善注邑邑不樂也又通
作吧玉篇云吧身合切憂也引爾雅淮南覽冥篇云孟
嘗君為之增歎歎吧高誘注歎吧失聲也按歎吧即於
吧或作鳴吧於鳴聲同於吧又即吧吧聲相變也吧者
詩亦孔之儂傳儂吧正義引孫炎曰心吧也荀子禮論
篇云憚詭吧儂而不能無時至焉楊倞注吧儂氣不舒
憤鬱之貌然則吧儂即吧也爾雅古本當作吧吧故
孫炎云心吧从邑旁心也詩正義據爾雅今本作吧吧
故引孫炎云心吧从邑旁心也詩正義據爾雅今本作吧
本則作吧
儂可證

基經也

注基業所以自經營

基設也**注**亦為造設

疏經

理也考工記轉人注經亦謂順理也詩靈臺傳經度之
也楚語注經謂經度之立其基址也是皆以理為義也
鬼谷子抵巇篇云經起秋豪之末注云經始也始即基
之訓也基者釋詁云始也謀也俱與經理義近故賈子
禮容篇云基者經也書周公初基基謂經度之也正義
引鄭注基訓為謀謀亦經度之義詩經始靈臺經始即

初基也周語云自后稷之始基靖民始基亦即初基章昭注基訓為始非也基經雙聲。設者說文云施陳也陳列施設俱與經理義近

祺祥也注謂徵祥祺吉也注謂吉之先見疏云善者釋詁

文云福也賈子大政篇云祥者福之榮也按榮謂先見其徵應若草木之有華榮也士虞禮記注祥吉也漢書

五行志云祥猶禎也禎吉亦福善之義也禎者士冠禮云壽考維祺鄭注祺祥也詩維周之禎傳禎祥也正義

引釋言文是禎本作祺釋文亦作祺云祥也爾雅同故正義又引舍人曰祺福之祥某氏曰詩云維周之祺

據宋定本集注祺字作禎蓋據徐邈及崔靈恩集注所改崔本同然則今詩作禎蓋據徐邈及崔靈恩集注所改

釋文正義俱作祺今正義亦作禎則誤矣臧氏琳經義襍記十一云唐石經作禎故今本多作禎說文禎祥也

崔蓋本此今注疏本作禎則非。吉者說文云善也釋名云實也有善實也文選東京賦注吉福也周禮大祝

訓故逸周書武順篇云禮義順祥曰吉是吉即祥矣

兆域也注謂塋界肇敏也注書曰肇牽車牛疏云域者說

云邦也或又从土玉篇云域居也封也詩藪蔓于域傳域營域也周禮典祀注域兆表之塋域廣雅云塋域葬

地也按塋營通域本邦之界限不獨葬地有域故漢書禮樂志云濟之仁壽之域集注域界也是凡界稱域矣

兆者兆之假借也說文云兆畔也為四時界祭其中引周禮曰兆五帝於四郊通作兆今小宗伯兆作兆鄭注

兆為壇之營域樂記云行其綴兆士喪禮云兆南北面鄭注竝云兆域也又通作肇書肇十有二州大傳作兆

十有二州鄭注兆域也為營域以祭十二州之分星也詩以歸肇祀箋肇郊之神位也后稷肇祀表記作后稷

兆祀鄭注兆四郊之祭處也詩肇域彼四海肇當作兆兆域正天下之經界。敏者說文云疾也肇者釋詁云

謀也謀敏古音相近中庸人道敏政鄭注敏或為謀是謀敏通肇之言猶趙也穆天子傳云天子北征趙行郭

騰與敏疾義近超騰也超騰也超騰也超騰也超騰也

挾藏也注今江東通言挾浹徹也注謂霑徹疏也藏者懷

作裏云藏也學記云藏焉修焉鄭注藏謂懷抱之按藏
古書作臧後人通俗為藏耳挾者說文云俾持也玉篇
云懷也持也廣韻云藏也護也漢書惠帝紀云除挾書
律應劭注挾藏也通作俠說文云襄俠也襄俠猶裏藏
左氏隱九年經云挾卒公穀作俠卒是俠挾通又與
同函或作篋說文云函藏也○徹者說文云通也小爾
雅云達也泱者古無正文俗挾與接為之接亦通達之
義故小爾雅云接達也廣雅云接徧也周徧亦通洽之
義此皆以接為泱也以挾為泱者詩使不挾四方毛傳
挾達也釋文挾子協反周禮大宰及大司馬竝云挾日
而斂之釋文挾子協反字又作泱泱越語云泱日而令大
夫朝之韋昭注從甲至甲曰泱泱也漢書禮樂志云於是教化
不泱于骨髓高誘注泱通也漢書禮樂志云於是教化
泱洽集注泱徹也唯荀子書泱俱作挾儒效篇云盡善
挾洽之謂神挾洽即泱洽也禮論篇云方皇周挾周挾
即周泱也故楊倞注竝云挾讀為泱與詩及周禮合為
它書所未見

普廢也普滅也

注亦為滅絕

疏廢者釋詁云舍也舍謂廢置不用故又訓退也

罷也止也巳詳釋詁普者說文云廢一偏下也通作替
詩勿替引之胡不自替離騷云謇朝諝而夕替毛傳及
王逸注竝云替廢也晉語云薦可而替否韋昭注替去
也去亦廢故一切經音義九引李巡曰替去之廢也釋
詁云替止也止亦廢也○滅者釋詁云盡也絕也晉語
注滅除也除去與廢止義近替又訓滅者魯語云令德
替矣晉語云君之冢嗣其替乎韋昭注竝云替滅也

速徵也徵召也

注易曰不速之客

疏徵者求也說文云召也召求義近呂

覽達鬱篇云桓公樂之而徵燭漢書五行志云徵寒與
襦高誘注及顏師古集注竝云徵求也速者疾之徵也
文選思玄賦云速燭龍令執炬兮舊注速徵也○徵亦
召故詩何以速我獄以速諸父傳竝云徵召也鄉飲酒
及鄉射禮速賓注同召者說文云評也呂覽分職篇云
令召客者酒酣高誘注召請也請猶徵也經典徵訓召
者周禮司市云成賈而徵債縣正云縣之政令徵比典
祀云徵役于司隸及鄉飲酒鄉射禮云徵唯所欲鄭注
竝云徵召也凡左傳徵會徵聘徵師之類其義亦同召
猶招也說文招手呼也

故楚辭招魂序云以手曰招以言曰召詩匏有苦葉傳招招號召之貌號召亦評召也招又求也致也竝與召義同

璞寶也 [注] 詩曰來獻其璞 [疏] 寶者說文云珍也珍寶也

聖人之大寶曰位釋文寶孟作保書無墜天之降寶命

史記魯世家作無墜天之降葆命雷侯世家集解徐廣

曰史記珍寶字皆作葆又通作宗亦作瑤書云陳寶說

文引作陳宗寶器穆天子傳作瑤器矣瑤者詩泮水傳

寶也正義及釋文引舍人曰美寶曰瑤莊氏述祖說瑤

字古無正文當依說文作珍余按瑤字見詩與金相韻

若作珍則失韻其說非也玉篇瑤別作賤廣韻賤費也

與玉篇異文選思玄賦云獻環琨與瑤縞兮舊注瑤質

也質與寶異瑤質之訓與爾雅又並疑未能定也

揆試也 [注] 刺揆嘗試 [疏] 試者上文云用也此訓嘗試廣

高誘注試猶嘗視也然則易无妄云不可試也試亦嘗

矣釋文訓試為驗驗與嘗近嘗與用亦近矣揆者釋詁

云取也又訓刺揆刺亦采取之義刺揆猶伺揆也故軍

中間謀用以揆取敵情謂之揆子然則揆之言占也試

之言伺也方言云占伺視也占與覘同伺與覘同皆竊視之意

髦選也 [注] 俊士之選髦俊也 [注] 士中之俊如毛中之髦

[疏] 選者說文云擇也玉篇云數也廣雅云入也然則選

謂德行道藝可入成均充選數故王制云命鄉論秀

士升之司徒曰選士白虎通引禮別名記曰十人曰選

言材過十人也髦者上文云髦士官也釋文毛中之長

通作保又作葆易繫辭云

寶者說文云珍也珍寶也

史記魯世家作無墜天之降葆命

曰史記珍寶字皆作葆又通作宗

文引作陳宗寶器穆天子傳作瑤

寶也正義及釋文引舍人曰美寶

字古無正文當依說文作珍余按

若作珍則失韻其說非也玉篇瑤

與玉篇異文選思玄賦云獻環琨

也質與寶異瑤質之訓與爾雅又

揆試也 [注] 刺揆嘗試 [疏] 試

高誘注試猶嘗視也然則易无妄

矣釋文訓試為驗驗與嘗近嘗與用

云取也又訓刺揆刺亦采取之義

中間謀用以揆取敵情謂之揆子

之言伺也方言云占伺視也占與

髦選也 [注] 俊士之選髦俊也

[疏] 選者說文云擇也玉篇云數也

謂德行道藝可入成均充選數故

士升之司徒曰選士白虎通引禮

言材過十人也髦者上文云髦士

俊說文曰髦然則髦之言豪也

同義招招號召之貌號召亦評召也

聖人之大寶曰位釋文寶孟作保

史記魯世家作無墜天之降葆命

曰史記珍寶字皆作葆又通作宗

寶也正義及釋文引舍人曰美寶

字古無正文當依說文作珍余按

若作珍則失韻其說非也玉篇瑤

與玉篇異文選思玄賦云獻環琨

也質與寶異瑤質之訓與爾雅又

揆試也 [注] 刺揆嘗試 [疏] 試

高誘注試猶嘗視也然則易无妄

矣釋文訓試為驗驗與嘗近嘗與用

云取也又訓刺揆刺亦采取之義

中間謀用以揆取敵情謂之揆子

之言伺也方言云占伺視也占與

髦選也 [注] 俊士之選髦俊也

[疏] 選者說文云擇也玉篇云數也

謂德行道藝可入成均充選數故

士升之司徒曰選士白虎通引禮

言材過十人也髦者上文云髦士

俊說文曰髦然則髦之言豪也

禮注竝云髦俊也

俾職也

[注]使供職

[疏]

皆職者釋詁云主也周禮掌固云民

記云國有六職百工與居一焉然則職不必居官也凡

事也業也主者皆謂之職大宰以八職任萬民任即任

使之義也俾者釋詁云使也從也從順使令皆與職義

近以從順為職職之卑者也以使令為職職之尊者也

通作比詩克順克比樂記引作克順克俾鄭注俾當為

比聲之誤也擇善從之曰比按比訓從則與俾同故古

字通非誤也在易比與師對比即

俾也師猶尸也釋詁云尸職主也

紕飾也**[注]**謂緣飾見詩

[疏]飾者論語鄉黨篇皇侃疏引

純之閏之允二切緣也緣於絹切邊緣也紕者玉篇云

必二扶規二切冠緣邊飾也按緣邊之飾衣冠皆有之

故玉藻云縞冠素紕鄭注紕緣邊也紕讀如埤益之埤

是冠緣邊曰紕也襍記下云紕以爵韋六寸鄭注在旁

曰紕深衣云純袂緣純邊鄭注緣邊衣裳之側旣夕記

注飾裳在幅曰紕按在幅即裳之邊側釋文紳音毗支

反紳即紕也是衣裳緣邊俱曰紕也郭云見詩者素絲

紕之毛傳紕所以織組總紕於此成文於彼鄭箋縫紕

旌旗之旒繆或以維持之是毛鄭說紕義異

凌慄也

[注]凌慄戰慄慄慄慄慄

[注]戰慄者憂慄

[注]戰慄者憂慄

[疏]

慄者栗

也說文云凜寒也通作栗詩二之日栗烈傳栗烈寒氣

也凌者凌之假借也說文騰或作凌久出也引詩納于

騰陰今詩作凌陰毛傳凌陰冰室也爾雅凌慄古本作

凌凜故釋文引樊注作凌冰凜也凜亦寒樊炎蓋以冰

凜釋凜字凜凜凌俱一聲之轉漢書揚雄傳云馳閭闔

而入凌兢集注入凌兢者亦寒涼戰栗之處也與樊炎

義合郭注所據本凌作凌凜作凜故釋文云凌力升反又

云郭注凌當作凌埤蒼云凌慄也然則郭本凌慄即埤

三

三

三

三

三

三

三

三

三

三

三

三

三

三

三

三

三

三

三

儀禮栗階凡三見鄭俱以栗為疾速其栗蹙之文唯燕禮注一見明其餘同是爾雅慄感即栗感故鄭據以釋經郭氏緣詞生訓而云戰慄者憂感失之矣今訂正

蠲明也注蠲清明貌茅明也注左傳日前茅慮無明朗

也疏明者說文云照也周語注顯也祭義注明猶潔也

為潔之明也故書云不蠲烝左氏襄十四年傳云惠公蠲其大德馬融及杜預注並云蠲明也通作圭詩吉蠲

並作圭韓詩作吉圭孟為饕士虞禮記注及周禮蟠氏注亦○茅者郭引左氏宣十二年傳云前茅慮無杜預注茅

明也正義引舍人曰茅昧之明也○明訓朗者詩既醉

傳朗明也左氏昭五年傳正義引樊炎云高朗令終日

月光明楚語云其聖能光遠宜朗淮南原道篇云新而

不朗韋昭及高誘注並云朗明也

猷圖也注周官日以猷鬼神祇謂圖畫猷若也注詩曰

實命不猷疏鄭眾注圖地圖也按圖謂模寫其形象也

猷者釋詁云謀也謀亦圖也猷與猶同詩猶之未遠傳

猶圖也小旻白華抑訪落般箋並同周禮凡以神仕者

以猶鬼神示之居小行人云猶犯令者儒行云將不

忘百姓之病也鄭注並云猶圖也此皆圖謀郭引周禮

作圖畫於義亦通○若者如也考工記梓人云母或若

女不寧侯公羊莊四年傳則襄公得為若行乎鄭及何

休注並云若如也若如古通用有司徹云若是以辯鄭

注今文若為如如若雙聲字也猷訓若者猷如釋詁並

鼓鐘傳並云猶若也郊特牲云猶明清與酸酒於舊澤

之酒也內則云猶若也猶若亦雙聲字

僛舉也注書曰僛爾弋稱好也注物稱人意亦為好疏

舉者說文作舉从手與聲云對舉也舉又訓言也襍記云過而舉君之諱則起鄭注舉猶言也按舉訓言則與稱說同義僛者再之假借也說文云僛僛舉也通作僛說文僛揚也揚亦舉故釋訓云僛僛舉也又通作稱書

敢行稱亂史記殷紀作敢行舉亂士相見禮云聞吾子稱贊聘禮云賓稱面檀弓云言在不稱徵鄭注竝云稱舉也。好者說文云美也詩緇衣之一物失稱集注稱宜也。荀子禮論篇云貧富輕重皆有稱者也楊倞注稱宜也。當其宜按今俗語謂廝稱爲恰好故考工記輪人云欲其肉稱也鄭注肉稱弘殺好也。

坎律銓也注易坎卦主法法律皆所以銓量輕重疏者銓

說文云衡也廣韻云量也次也度也文選文賦注引蒼頡篇曰銓稱也聲類曰銓所以稱物也廣雅云稱謂之銓吳語云無以銓度天下之眾寡通作銓廣雅云銓度也廣韻銓同銓是矣坎者水也水主法者左氏宣十二年杜預注坎爲法象說文云法刑也平之如水從水考工記輪人云水之以眠其平沈之均也權之以眠其輕重之侔也然則水主均平權知輕重水即坎也權亦銓也銓衡所以取平故坎訓銓矣律者上文云述也釋詁云常也法律同類故易集解師坎下竝引九家注坎爲法律淮南覽冥篇注又云律度也蓋律度銓衡竝

主法之器故展轉相訓左宣十二年正義引樊光曰坎卦水也水性平律亦平銓亦平也

矢誓也注相約誓疏誓者上文云謹也以說文云約束也釋文引孔鄭繆播皆云矢誓也

舫舟也注竝兩船疏說文云舟船也釋名云船又曰舟作舟以行水鄭注故書舟作周鄭眾云周當爲舟舫者

方之假音也詩云不可泳思不可方思又云方之舟之類故即云方舟也泳本訓潛亦游之蓋謂方本訓泅亦舟之此皆爾雅釋言之意郭氏以爲竝兩船者蓋據釋水之方舟爲併兩船而欲移注此文不思彼云大夫方舟則方舟二字連讀此云舫舟也則舫即是舟與彼異義郭翻李善注爲失矣通作舫文選贈蔡子篤詩云舫舟翻舫與方同

泳游也注潛行游水底疏游者汙之假音也說文云汙浮行水上也汙或从囚聲作

泗列子說符篇云人有濱河而居者習於水勇於泗通
作游列子黃帝篇云能游者可致也周禮萍氏云禁川
游者竝以游為浮水之名也泳者釋水云潛行為泳郭
注水底行也必知泳為水底行者黃帝篇云彼中有寶
珠泳可得也商丘開復從而泳之既出果得珠焉據開
得珠不容浮行水上故知泳為潛行水底也潛則非浮
而云泳游也者方言云潛沈也楚郢以南或曰潛潛又
游也郭注潛行水中亦為游此言與爾雅合矣說文又
云古或以汙為浸浸沈也讀若沫然則汙又
為沒沒謂沈入水中與潛行水底之義又合

迨及也 **注**東齊曰迨 **疏**及者釋詁云與也迨通作隸說
今詩隸作迨標有梅匏有苦葉伐木
俱作迨字方言云迨及也東齊曰迨

冥幼也 **注**幼稚者冥昧 **疏**幼者窈之假音也說文云窈
也窈窈疊韻窈之言幽幽窈雙聲也通作窈史記項籍
紀集解徐廣曰窈一作窈又通作杳文選西都賦云又
杳窈而不見陽杳窈即窈窈也故李善注窈與杳同又
通作幼窈从幼聲因省作幼故詩斯干釋文幼本或作

窈正義云幼爾雅亦或作窈是窈為正體幼為借聲大
戴禮誥志篇云幽幼也亦以聲同為義郭注以幼稚為
言蓋失之矣冥者說文云幽也幽亦幼故斯干傳冥幼
也幼亦窈故正義引孫炎曰冥深闇之窈也又引某氏
曰詩曰噦噦其冥為冥窈於義實安然則毛傳之冥幼
即冥窈審矣且冥窈連文經典非一老子云窈兮冥兮
其中精莊子在宥篇云至道之精窈窈冥冥史記項
籍紀云窈冥晝晦文選魏都賦云雷雨窈冥而未半皆
爾雅冥窈之正文也文選舞賦云獨馳思乎杳冥李善
注杳冥謂遠而出冥也莊子逍搖游篇釋文引簡文注
窈冥也皆爾雅冥窈之異文也

降下也 **疏**下降古巷反一音戶江反按降古戶紅反下
戶古反降下
一聲之轉

傭均也 **注**齊等 **疏**均者說文云平徧也詩秉國之均毛
傳均平也六轡旣均傳云均調也通

作鈞又通作旬句亦徧也傭者說文云均也直也
詩昊天不傭傳傭均也通作庸釋文傭韓詩作庸

強暴也

注強梁凌暴

疏暴者說文作暴云疾有所趣也玉篇作暴今作暴穀梁宣二年

傳而暴彈之范甯注暴殘暴通作馘釋文暴字又作馘同蒲報反周禮序官胥師注司馘禁暴亂文選蕪城賦注引字書云馘古文暴字強通作彊詩蕩傳云彊禦彊梁禦善也彊梁即麤暴

窵肆也

注輕窵者好放肆肆力也

注肆極力

疏肆者說文云極

陳也陳之為言伸也伸有展放之意故肆又訓放也縱有舒長之意故肆又訓長也緩也緩長有直遂之意故肆又訓直也遂也是皆從陳義而生也凡陳設必有區域故縣鐘磬全為肆周禮小胥所言之也市廛貨物所居亦為肆論語百工居肆是也又從陳義而推也窵者下文云閒也閒有寬意與淡遠義近故說文云窵淡肆極也既言淡又言肆者義本爾雅言肆又言極者肆之至極極即力也是說文以一句兼釋二義郭云輕窵者好放肆蓋讀窵為佻釋文因之而云窵吐彫反此皆誤矣唯說文與爾雅義合今據以訂正○肆又訓力者力猶極也說文肆極陳也窵淡肆極也皆以極肆連言可知肆有極義故小爾雅云肆極也左氏昭十二

年傳晉穆王欲肆其心周語云藪澤肆既晉語云肆侈不違呂覽仲春紀云無肆掠淮南俶真篇云無所肆其能也注皆訓肆為極極即盡力之義故說文以肆為極爾雅以肆為力其義同力極之聲又近

佻戴也

注詩曰戴弁佻佻

疏戴者說文云分物得增益於頭也通作戴經典載戴通用詩載弁佻佻郭引亦作戴矣佻者說文云冠飾兒引詩戴弁佻佻所引正與郭合服亦戴也釋訓云佻佻服也郭注謂戴弁服釋文佻本亦作綵

瘞幽也

注幽亦薶也

釐屬也

注毛釐所以為屬

疏屬者縹之假俗也說文云縹而胡毳布也通作屬王

會篇伊尹四方令曰正西紕屬為獻一切經音義九引三蒼云釐毛也書禹貢正義引舍人曰釐謂毛屬也胡人續羊毛作衣又引孫炎曰毛釐為屬

烘燎也

注謂燒燎熨炷也

注今之三隅竈見詩

疏燎者說文

云放火也廣雅云燒也燒燎義同在野曰野燒在庭曰庭燎其義一耳烘者詩印烘于熤傳烘燎也正義引舍人曰烘以火燎也釋文烘火東反徐又音洪說文巨凶甘凶二反孫炎音恭爾雅釋文郭巨凶反餘音略同○
切釋文引顧與玉篇同郭音恚字林口穎反詩釋文又切釋文引顧與玉篇同郭音恚字林口穎反詩釋文又切釋文引顧與玉篇同郭音恚字林口穎反詩釋文又切
丘弭反詩正義云炷者無釜之竈其上也然火謂之烘本為此竈上亦然火照物若今之火爐也按此火謂之烘如今燒炭所用郭云三隅竈者蓋如今之風爐形似筆筒缺其上口為三角以受風謂之風竈形制大小隨人所為舟車皆可攜帶故說文謂之行竈也又今登萊人謂竈為舛鑪炷其音正作口穎切此古音矣炷者說文云炷也玉篇云竈也詩白華傳炷炷竈也正義引舍人與毛傳同

陪朝也

注陪位為朝

疏

朝者曲禮云天子當宁而立諸公東面諸侯西面曰朝白虎通

云朝者見也大宗伯云春見曰朝鄭注朝猶朝也欲其來之早然則朝兼朝旦為義也文選古意酬到長史灑登瑯邪城詩云金溝朝灞滻李善注小水入大水曰朝說文作淖云水朝宗于海是朝又取水淖為義也陪者

說文云重土也玉篇云貳也隨也加也助也益也是陪有加益之義朝亦所以助益人君如土壤增崇於山細流益潤於海故參乘曰陪乘加鼎曰陪鼎侍朝曰陪位皆其義矣陪培通

康苛也

注謂苛刻

疏

苛者說文云小艸也按苛為小艸故又為細也煩也重也又擾也一

切經音義十六引國語賈逵注云苛猶擾也通作荷經典多俗荷為苛如晏子春秋諫上篇云執法之吏竝荷百姓漢街彈碑云吏無荷擾之煩皆以荷為苛也康者釋器云康謂之盪康亦細碎與苛擾義近聲又相轉

樊藩也

注謂藩籬

疏

藩者詩价人維藩傳藩屏也一切經音義廿引蒼頡篇云藩蔽也易

大壯馬融注藩籬落也通作蕃詩四國于蕃蕃即藩字之省故大司徒九曰蕃樂杜子春讀蕃樂為藩樂大司馬蕃畿即職方之藩服矣樊者林之假借也說文云林藩也通作樊詩折柳樊圃止于樊傳竝云樊藩也正義引孫炎曰樊圃之藩也按樊又訓邊也傍也崖也皆從藩籬之義而生也止于樊說文引作止于林漢書昌邑王傳作止于藩竝同聲通借字

賦量也 [注] 賦稅所以評量 [疏] 量者說文云稱輕重也玉

具二音周禮序官量人注量猶度也禮運月以為量鄭

注量猶分也萃嚴經音義上引國語賈逵注量分齊也

賦者說文云斂也詩烝民傳賦布也呂覽分職篇注賦

予也方言云賦與操也是賦兼取予其義則皆為量也

故魯語云賦里以入而量其有無然則賦斂賦稅即為

量入賦布賦予即為量出賦之為言撫也撫揣料量郭

注但以賦稅為言失之

糗糧也 [注] 今江東通言糗 [疏] 糧者說文云穀也詩乃裹

禮廩人注行道曰糧謂糒也是糧為總名通作糧玉篇

云糧同糧公劉釋文糧本亦作糧糗者詩以峙其糗王

制云五十異糗箋注並云糗糧也襟記

云載糗鄭注糗米糧也是糗亦兼二義

庶侈也 [注] 庶者眾多為奢侈庶幸也 [注] 庶幾僥倖 [疏] 侈

說文云奢也庶者釋詁云眾也楚語云不陳庶侈通作

侈詩為豆孔庶箋庶侈也正義引舍人曰庶眾也侈多

也又引孫炎曰庶豐多也釋文庶字又作侈○幸者說

文作畚云吉而免凶也晉語云德不純而福祿並至謂

之幸小爾雅云非分而得謂之幸庶又為幸者說文

頁二

三

頁二

三

頁二

三

頁二

三

頁二

三

頁二

三

頁二

三

頁二

三

頁二

三

頁二

三

頁二

三

頁二

三

頁二

三

頁二

三

頁二

三

頁二

三

頁二

三

頁二

三

頁二

三

舫泝也注水中籜筏疏泝者說文云編木以渡也方言

之通語也楚辭惱往日篇注編竹木曰泝楚人曰泝秦

人曰泝也按泝即筏字詩漢廣釋文引郭云木曰泝竹

曰筏小筏曰泝不同者泝筏籜皆同類其竹木隨地所

宜耳釋文泝本亦作泝又作泝或作泝泝同又引樊炎

爾雅本作泝之假借也上訓舟此訓泝者泝舟同類釋水

舫者亦舟之假借也藥泝齊語云方舟設泝皆其義也詩不

可方思方之舟之傳箋竝云方泝也正義引孫炎云方

水中為泝筏也爾雅釋文方泝也張儀傳索隱

枋字之誤枋與舫同見史記張儀傳索隱

洵均也注謂調均洵龕也注未詳疏均者已詳上文洵

文云洵徧也徧即均故又云均平徧也十日為旬旬之

言宣也宣徧亦見上文詩來旬來宣傳旬徧也其下侯

旬傳以旬為均也易雖旬无咎管子侈靡篇云旬身行

注皆以旬為均也旬均古通用故內則云旬而見鄭注

旬當為均聲之誤也易說卦坤為均今亦或作旬也周

禮均人注亦同茲說今按雖旬无咎釋文旬荀作均亦

其證矣通作洵詩洵直且侯傳洵均也桑柔正義云某

氏引此詩李巡曰洵徧之均也又通作洵尚書大傳云

詢十有二變鄭注詢均也

逮逌也注今荆楚人皆云逌音沓疏逌者說文云迨逌行相

及方言云逌及也關之東西曰逌或曰及然則逌逮俱

訓及逮逌聲又相轉釋文云逌孫郭徒沓反又云沓與

上同亦徒沓反今按宋雪臆本及明吳元恭本郭注逌

下俱有音沓二字今本則無據釋文則唐以前本有之

補今

是則也注是事可法則疏則者釋詁云法也是者徒之

爾雅曰徒則也詩好人提提釋訓作媢媢與此義合方

言云徒行也又云自關而西秦晉之間凡細而有容謂

之嬰或曰徒說文云嬰媢也是媢媢古字通然則儀容

行動俱謂之徒容止可法故謂之則正與下文威則也

同義徒从是聲因省作是郭蓋

未檢方言說文故緣詞生訓耳

佳二

畫形也 [注] 畫者為形象 [疏] 形者說文云象形也釋名云

貌皆形之類形謂表見故又訓見也畫者釋名云繪也

以五色繪物象也說文云畫介也象田四介聿所以畫

之按畫繪之事起於古之畫井經田古者山川域地皆

有圖畫周禮一書言圖非一遂人云以土地之圖經田

野造縣鄙形體之濶鄭注形謂制分界也然則田有界

畫以觀縣鄙之形體地有圖畫以寫天下之形勢物有

圖畫以盡萬物之形容此皆畫訓形之義也

賑富也 [注] 謂隱賑富有 [疏] 富者說文云備也一日厚也

並云富盛也按富从畀聲有盛滿之義也賑者說文云

富也郭云隱賑富有隱與殷同殷訓眾盛故文選西京

賦云鄉邑殷賑薛綜注殷賑謂富饒也蜀都賦云邑居

隱賑劉逵注隱盛也賑富也羽獵賦云殷殷軫軫李善

注殷軫盛貌也是殷軫即隱賑音轉字變又為賑賸平

式毋玉篇云賑賸富也是皆疊韻之字其義即存乎

也聲

局分也 [注] 謂分部 [疏] 分者說文云別也淮南本經篇云

注分猶職也樂記注分猶部曲也皆有分別之義也局

者說文云促也从口在尺下復局之一曰博所以行碁

曲禮云左右有局鄭注局部分也

儕怒也 [注] 詩曰天之方儕 [疏] 怒者說文云恚也匡謬正

俗云怒字古讀有二音按古音不分上去二音實一音也儕者詩板傳云怒也正

義引舍人曰儕怒聲也舍人知怒為聲者素問五運行

大論云其志為怒王冰注怒直聲也是怒亦有聲然非通義

憊聲也 [注] 謂聲音 [疏] 聲亦音也通作磬大射儀注古文

磬也憊者說文云聲也讀若肩玉篇云憊小聲也字書

俯同釋文云憊動草聲也字又作俯廣韻同又勢身之

聲又憊憊呻吟也龍龕手鑑一作俯俯呻吟也今按說

文玉篇但言聲廣韻乃有勢身動草呻吟之說今並未

聞俯即肩之或體肩从骨聲與憊从悉聲音本相近郭

讀音契則聲轉矣通作肩漢書武帝紀云著見景象肩

然如有聞
肩即倦也

葵揆也 [注] 詩曰天子葵之揆度也 [注] 商度 [疏] 揆者說文云葵也按

此雖本爾雅但爾雅本為解經經有葵字乃揆之假借故此釋云葵即揆也亦如甲狎幕暮之例至於說文本為訓義不主假借當言揆度而言揆葵則義反晦矣疑此許君之失也葵者詩天子葵之則莫我敢葵傳箋竝云葵揆也○度者釋詁云謀也經典揆俱訓度一切經音義九引孫炎曰揆商度也

逮及也

怒飢也 [注] 怒然飢意 [疏] 怒者釋詁云思也說文云憂也

之意迫切如飢耳故詩汝墳傳云怒飢意也意即思故箋云怒思也說文以怒為飢餓蓋意字之誤本於毛傳也正義引李巡曰怒宿不食之飢也蓋本毛傳朝飢而於詩及爾雅意又失也知者詩有二怒怒焉如擣毛亦訓思可知飢非怒之本義

眡重也 [注] 謂厚重見左傳 [疏] 眡者說文云目有所恨而

左氏隱三年傳憾而能眡者鮮矣杜預注恨則思亂不能自安自重經典眡字唯此一見通作疹詩雲漢釋文瘖韓詩作疹恥吝反云重也按疹籀文疹字一

獵虐也 [注] 凌獵暴虐 [疏] 虐者說文云殘也殘兼暴害賊

害於物也邵氏正義云古者以殺為虐書呂刑惟作五年虐之荆墨子尚同篇作惟作五殺之荆左氏宣十五年傳虐我伯姬獵訓為虐與釋詁獮殺也義同

土田也 [注] 別二名 [疏] 田者說文云陳也樹穀曰田一切

也釋名云已耕者曰田田填也五稼填滿其中也土者釋名云土吐也能吐生萬物也然則土為田之大名田為已耕之土對文則別敵則通也

戍遏也 [注] 戍守所以止寇賊 [疏] 遏者釋詁云止也一切

邊也。按遮謂遮遯守之與戍義正同。戍者說文云守邊也。从人持戈。詩揚之水傳戍守也。守有止定之義。又有遮遯之義。皆與邊同意。

師人也 注謂人眾 疏人者統詞也。對眾而言則人為寡。言則人為眾。詞穀梁莊十七年傳人者眾辭是也。對寡而言則人為眾。詞穀梁師者釋詁云眾也。二千五百人為師。是師為人眾之稱。

砧鞞也 注砧然堅固 疏砧者釋文云苦角反。則當作砧。石堅則與鞞近。釋詁劫鞞竝云固也。釋文劫或作砧。古黠反。是劫砧通疑。此作砧是也。

棄忘也 疏忘者說文云捐也。捐棄與遺忘義近。忘猶亡也。棄猶去也。去亡義又同。經典棄訓忘者如詩將安將樂。女轉棄予言安樂相忘也。又云棄子如遺對上寘子于懷而言忘我之甚如遺失物也。故下遂言忘我大德以結上二章傳箋或失之又左氏昭十三年傳南蒯子仲

之憂其庸可棄乎。亦以棄為忘也。

躑閑也 注躑然閑暇貌 疏閑者閒之假借也。經典游閒故詩十畝之閒。釋文閒本亦作閑。史記畱侯世家云良嘗閒從容步游下邳。圯上索隱曰閒閑字也。囂者說文云聲也。詩選徒囂囂左氏成十六年傳在陳而囂合而加囂又甚囂且塵上竝以囂為聲也。軍中無聲好整以暇。唯選數車徒囂囂有聲然仍閒暇。整齊是囂為聲之閒也。故爾雅釋以囂閑。囂閑又一聲之轉。釋文囂許嬌反。此音是也。又五刀反。非矣。五刀乃敖字之音。應在釋訓釋文此囂讀如字。

謀心也 注謀慮以心 疏心者釋名云心纖也。所識纖微言任也。管子心術篇云心者智之舍也。然則智藏於心。心任於思。思與智即謀慮所從出矣。謀者說文云慮謀。思也。本釋詁文洪範云聰作謀。此云謀心也者。論衡超奇篇云心思為謀。謀心思於易竝屬坎。

獻聖也 注謚法曰聰明睿智曰獻 疏白虎通云聖者通也。道也。聲也。詩凱

獻聖也。 注謚法曰聰明睿智曰獻。 疏白虎通云聖者通也。道也。聲也。詩凱

風傳聖叡也洪範五行傳云心之不容是謂不聖獻者
莊子大宗師篇釋文引向秀注獻善也論語入佾篇集
解引鄭注獻猶賢也賢善皆與聖近故賈子道術篇云
且明且賢此謂聖人諡法云稱善賦簡曰聖聰明叡哲
曰獻蔡邕獨斷叡哲
作睿智郭注本此

里邑也 [注] 謂邑居 [疏] 說文云邑國也釋名云邑猶俛也
邑人聚會之稱也小司徒注四井

為邑方二里初學記引尚書大傳五里為邑管子小匡
篇六軌為邑不同者以周禮九夫為井準之四井則三
十六家以管子五家為軌計之六軌則三十家故齊語
云制鄙三十家為邑也然論語又云十室之邑千室之
邑蓋邑為通名大不過千室小不過十家其中容有畸
零十與千舉成數耳里者說文云居也御覽一百五十
七引風俗通云里者止也止即居故左氏襄九年正義
引李巡云里居之邑也遂人云五鄰為里里二十五家
也小匡篇云十軌為里里五十家也古微書引論語誤
考文云古者七十二家為里公羊宣十五年傳注一里
八十戶襍記注引王度記云百戶為里管子度地篇亦
云百家為里是里數不同亦猶邑名靡定古者邑里通

名故詩于蹶之里傳云里邑也里宰云掌
比其邑之眾寡鄭注邑猶里也是邑里通

襄除也 [注] 詩曰不可襄也 [疏] 玉篇云除去也開也曲禮
除芟埽之是除又兼埽除芟除為義也襄者諡法云辟

地有德曰襄辟即開除之義故詩牆有茨及出車傳竝
云襄除也通作攘離騷云忍尤而攘詬詩車攻序外攘
夷狄史記龜策傳西攘大宛竝以攘為除也龜策傳集
解徐廣曰攘一作襄是襄攘通爾雅
釋文襄或而羊反而羊即攘字之音

振古也 [注] 詩曰振古如茲猶云久若此 [疏] 古者釋詁云
故也故有久

舊之義振者聲近塵釋詁云塵久也久故與古義近詩
載芟傳振自也自有始義亦與古近箋云振亦古也皆
本爾雅故正義云毛義與鄭不殊郭云久若此者
本詩南有嘉魚箋云烝塵也塵然猶言久如也

懟怨也

縞介也 [注] 縞者繫介猶闕 [疏] 介者說文云畫也文選魏
都賦注引韓詩章句云介

界也是介訓界畫即分別之義也縞者說文云以絲介履也介字義本爾雅亦取分限為義也釋文引李孫顧舍人本竝云補羅也介別也按字書無補字集韻補或作補與爾雅不合今以補訓羅推之疑補即縞之譌縞猶離也離羅聲轉而義亦同故方言云羅謂之離離謂之羅然則離訓為羅介訓為別正與李孫顧舍人之義矣合

號諱也注今江東皆言諱疏諱者說文云評諱也通作

云夜嘑且又通作虐說文虐哮虐也按哮虐猶號諱也又通作呼曲禮云城上不呼釋文呼號叫也詩蕩釋文呼崔本作諱爾雅釋文諱又作呼號者詩碩鼠傳呼也說文同通作號說文云號號也又通作號冀州從事郭君碑云卜商號吡吡即易云號吡也

凶咎也

苞稹也注今人呼物叢緻者為稹疏稹者說文云種稹也引周禮曰稹理

而堅考工記注稹致也詩鴉羽箋稹者根相迫迮相致也致與緻同稹與縝同故聘義云縝密以栗鄭注縝緻也鴉羽釋文稹本又作縝苞者釋詁云豐也是豐之稹也鴉羽傳苞稹也正義及書禹貢正義竝引孫炎曰物叢生曰苞齊人名曰稹文選六代論注引易鄭注云苞植也植即稹之形譌耳

迺寤也注相干寤疏寤者臧氏琳以為悟之假借也悟

義七引聲類云迺逆不遇也又通作悟史記漢書注竝云悟逆也皆悟之通借也迺者當作午釋文孫本迺字作午此蓋古本證以說文云午悟也五月陰氣午逆陽冒地而出是午為悟逆孫炎義與說文同故臧氏經義襍記六本此為說又引史記鄭世家以為寤生者謂悟逆難生久不得下故驚武姜也然則寤之言悟因其悟逆故名之曰寤生遂惡之

顛題也注題額也詩曰麟之定疏題者說文云額也莊

月題釋文引司馬崔云題馬額上當顛如月形者也題顛聲轉故詩麟趾傳釋文題本作顛矣顛者即下文云

顛頂也顛頂頰又一聲之轉釋文頰字又作定詩釋文定字書作頰今按作定為正

猷有可也 [注] 詩曰猷來無棄有今通言 [疏] 可者說文云

猶通故詩猶來無止之子不猶傳竝云猶可也公羊文六年宣八年傳竝云猶者何通可以已也穀梁傳云猶之為言可以已也又云猶者可以已之辭也是皆猶訓

可之證有者春秋宣四年經云公及齊侯平莒及邾莒人不可也齊策云客有為寡人來靖郭君乎高誘注亦云有可也

務侮也 [注] 詩曰外禦其侮 [疏] 侮者說文云傷也傷當作

之輕慢之甚也務者侮之假音也詩外禦其侮左氏僖廿四年傳及周語竝作外禦其侮是侮僭為務故詩常棣箋本爾雅云務侮也明務即侮字非以侮訓務也經典此例極多如爾雅甲狎幕暮之類皆是

貽遺也 [注] 相歸遺 [疏] 遺者曲禮云凡遺人弓者楚辭湘

逸注竝云遺與也貽者詒之或體也說文云詒遺也詩雄雉天係傳及谷風小明思文有駮箋又梓人及表記注竝云詒遺也文王有聲箋詒猶傳也傳付亦遺與也通作台釋詁云台予也台即詒予即與也別作貽詩雄雉及靜女釋文竝云貽本作詒斯干釋文又云詒本作貽蓋貽詒二字經典通用實則詒為正體貽乃別體耳

賈買也 [注] 廣二名

賄財也 [疏] 財者說文云人所寶也玉篇云所以資生者

賄鄭注財泉穀也坊記先財而後禮注財幣帛也然則財賄實泉帛穀粟之通名矣賄者說文及詩氓傳竝云財也玉篇贈送財也聘禮注賄予人財之言也然則經典言賄實兼財贈二義爾雅但云財者財賄通名贈人以財亦為賄也

甲狎也 [注] 謂習狎 [疏] 狎者釋詁云習也甲者詩芄蘭傳甲狎也言甲即狎字釋文甲韓詩

作狎是韓用本
字毛假借也

莢駝也莢薺也 [注] 詩曰毳衣如莢莢草色如駝在青白

之間 [疏] 莢薺見釋草此云駝者說文云莢薺之初生一

本爾雅駝釋文从馬旁云如駝馬色也詩正義从鳥旁

鄭志荅張逸云駝鳥青非草色薺亦青故其青者如駝

是蓋正義所本馬瑞辰說鄭君據毛傳本作駝

从鳥旁不从馬旁釋文蓋據爾雅改毛傳也

餐餐也 [注] 今河北人呼會為餐 [疏] 說文云餐吞也

作餐釋文作餐故云餐本又作餐字林作餐云吞會然

吞是餐之訓而以詰餐則非詩緇衣釋文亦云餐餐也

此皆非矣餐者漢書惠帝紀注應劭曰坐擇米使正白

為白餐是餐為米名非會名爾雅以餐為餐明其假借

蓋據詩言授子之餐即謂與之

以會知者詩言素餐猶素會耳

渝變也 [注] 謂變易 [疏] 說文云變更也渝變汗也詩羔裘

傳及板箋竝云渝變也通作輸廣

雅云輸更也公羊穀梁渝竝作輸傳云輸墮也墮壞亦變

云更成也公羊穀梁渝竝作輸傳云輸墮也墮壞亦變

更之義爾雅釋文渝舍人作

糯糯蓋渝之或體見玉篇

宐肴也 [注] 詩曰與子宐之 [疏] 肴者說文云啖也玉篇云

肴者說文云啖也玉篇云

故訓啖肉知說文啖下脫肉字初學記廿六引說文作

肴襍肉也此蓋別本廣雅云肴肉也通作穀經典穀肴

通用詩禮記公羊釋文詳矣宐者詩與子宐

之傳宐肴也正義引李巡曰宐飲酒之肴也

夷悅也 [注] 詩曰我心則夷 [疏] 悅者釋詁云悅樂也夷者

不夷懌傳箋竝云夷悅也楚辭九懷篇注夷喜也喜亦

悅也郭引詩我心則夷此夷毛傳訓平以上章已云我

心則說故此變為平實則和

顛頂也 [注] 頭上 [疏] 頂者說文云顛也顛頂也方言云顛

頂雙聲義

亦互訓

耄老也 注八十為耄 疏老者說文云考也釋名云朽也

者詩車鄰傳耄老也八十曰耄正義引孫炎曰耄者色

如生鐵爾雅釋文引作老人面如鐵色釋名云耄鐵也

八十易釋文引馬融注及詩正義引左傳服虔注並云

七十曰耄左傳正義又引舍人云年六十稱也杜預僖

九年注從服虔何休宣十二年注從舍人是耄無正訓

故有六十七十八十之異要為老壽之稱

則同故爾雅以耄為老曲禮云七十曰老

輜輕也 注詩曰德輜如毛 疏輕輜說文並云輕車也詩

輕也文選幽通賦注引曹大

家曰輜德德輕而易行也

伐淺也 注詩曰小戎伐淺收 疏淺者說文云不淡也伐者

子參患篇云甲不堅密與伐者同實尹知章注伐謂無

甲單衣者又云將徒人與伐者同實尹注伐單也按單

薄亦淺略也小戎釋文引韓詩云駟馬不箸甲曰伐駟

是管子注所本通作踐詩有踐家室傳踐淺也又通作

剪眈夕禮云緇剪鄭注剪淺也今文剪作淺又聲轉為

竊釋獸云虎竊毛謂之號貓郭注竊淺也今按不獨此

也釋鳥說諸屬之名有竊藍竊

黃竊脂竊丹竝以竊為淺也

絢絞也 注糾絞繩索 疏絞本切直之義又為繩索之名

為絞絞者交也襍記疏云兩股相交謂之絞是其義也

絢者詩宵爾索絢正義引李巡曰絢繩之絞也是絢為

繩方言云車紂或謂之曲絢郭注

絢亦繩名是也此注糾絞失之

訛化也 注詩曰四國是訛 疏化者說文云教行也華嚴

於上而易俗於下謂之化今按化與匕同說文云匕變

也从到人然則化亦變易舊形之義也訛者叱之或體

也說文云叱動也動作與變化義近故詩四國是叱傳

叱化也通作訛節南山箋訛化也又通作譌方言云譌

化也郭注譌

化聲之轉也

跋躐也 注詩曰狼跋其胡囊踳也 注詩曰載囊其尾 疏

詩曰狼跋其胡囊踳也

詩曰載囊其尾

疏

疏

疏

躡者獵之或體也獵有從旁陵獵之義不陵節之謂遜
反遜為獵猶捷也捷行出前也跋者跟之假音也說
文云跟步行獵跋也獵即躡跋即跟也說文跋跟也一
切經音義十五引聲類云狼跟顛跟也顛即跟亦跋
是詩之狼跋即狼跟俗作狼誤矣爾雅跋當讀為跟
釋文跋蒲末反非也又云郭音貝是郭正讀跋為跟臧
氏經義襍記廿九論之詳矣○踏者說文云躡也中庸
注同玉篇踏渠劫居業二切釋文郭又音甲躡者躡之
假音也說文躡踏也引詩載躡其尾通作躡說文躡礙
不行也詩正義引李巡曰跋前行曰躡踏卻頓曰躡礙
烝塵也注人眾所以生塵埃疏塵者釋詁云倉兄填兮傳填久
也又通作寘寘與填同也烝者釋詁云眾此云塵者詩
南有嘉魚箋烝塵也塵然猶言久如也東山箋烝塵也
毛傳烝寘也常棣傳又云烝填也鄭箋古聲填寘塵同
東山箋亦云古者聲寘填塵同也是寘填俱塵之假音
烝塵亦語聲轉然則烝塵二字以聲為義不須訓詁詩
桑柔正義引孫炎曰烝物久之塵郭注申之而云人眾
所以生塵埃均為失矣

戎相也注相佐助疏也相者釋詁云導也勸也戎者詩烝
戎相也爾雅釋文戎本

或作拔顧如勇反

飫私也注宴飲之私疏私者人之假借也說文引韓非
曰飲酒之禮下跪而私宴飲也文選注引薛君韓詩章句

者已謂之醜醜通作飫說文饌燕食也詩飲酒之飫
傳飫私也不脫履升堂謂之飫正義引孫炎曰飫非公

朝私飲酒也馬瑞辰曰飫有二義周語云王公立飫則
有房烝親或宴饗則有餽烝又云飫以顯物宴以合好

此立飫之飫與燕異禮者爾雅云飫私也說文饌燕
倉也韓詩作飫此飫私之飫與燕異名同實者也說文饌燕

即楚茨所云備言燕私傳謂燕而盡其私恩者耳毛傳
飫私也本爾雅為義又云不脫履升堂謂之飫本周語

立飫為說蓋廣異義也箋云私者圖非常之事若議
大疑於堂則有飫禮焉是以飫私即為立飫誤矣

孺屬也注謂親屬疏屬者說文云連也釋名云續也恩
相連續也孺者詩和樂且孺傳孺

佳二

屬也正義引李巡曰孺骨肉相親屬也
曲禮云大夫曰孺人鄭注孺之言屬

幕暮也注幕然暮夜疏暮者古字作莫說文云暮日且
莫故切爾雅之莫當音慕各切左氏莊廿八年傳狄之

廣莫小爾雅云莫大也宋咸注莫府言大也莫府即幕

府矣幕者說文云帷在上曰幕覆倉案亦曰幕方言云

幕覆也釋名云幕幕絡也在表之稱也又云黃繭曰莫

爾雅以幕為莫其義正同幕絡絮也然則釋名以莫為幕

字通用推是而言詩維葉莫莫莫猶幕幕也是爾雅

古本作幕莫聲義相兼今本作幕暮傳寫誤改郭氏望

文生義以幕為暮
夜聲義俱並矣

煽熾也熾盛也注互相訓煽義見詩疏熾者說文云盛
煽者煽之或體也說文煽熾盛也引詩豔妻煽方處通

作扇漢書谷永傳注引魯詩作閭妻扇方處又通作煽

毛詩十月之交傳煽熾也是煽訓熾

熾訓盛說文簡略故總曰煽熾盛也

柢本也注謂根本疏本者說文云木下曰本醢人注昌

也士喪禮云進柢士虞禮記載猶進柢鄭注並云柢本

也今文柢為柢泉府云買者各從其柢鄭注抵實柢字

也按釋器云邸謂之柢郭注根柢皆物之邸邸即底通

語也又通作氏詩維周之氏傳氏本也周語云本見而
草木節解韋昭注本氏也是氏柢同亢氏二星之間名
曰天根正
以此也

窈閒也注窈窕閒隙疏閒者釋文音閑或如字蓋因郭

暇也靜也窈也齊語云處士使就閒燕韋昭注閒燕猶

清淨也楚辭招魂篇云像設君室靜閒安些王逸注空

寬曰閒清靜寬閒也詩關雎傳窈窕幽閒也毛蓋以窈為

肆是淡肆之間也詩關雎傳窈窕幽閒也毛蓋以窈為
幽窈為閒皆本爾雅鄭箋幽閒處淡宮亦申毛義唯有
正義誤會鄭箋以為幽閒淡宮亦猶郭注誤會爾雅以
為窈窕閒隙胥失之也王照圓詩經小記云窈意之幽
也窈窕心之閒也其說是矣爾雅釋文窈舍人本作跳云

跳者躍之間此則師授之
異不可通於今本及毛詩

淪率也

注相率使

疏

率者當讀如律史記老莊申韓傳
云大抵率寓言也正義曰率猶類

也然則率律聲同律類聲轉古皆通用凡言相類或云
普律或云一律或云大率是其聲義俱通矣淪者詩淪

胥以鋪無淪胥以凶無淪胥以敗傳箋竝云淪率也淪
或為勳後漢書蔡邕傳注作勳胥以痛勳帥也漢書敘

淪淪薰古音相近皆有普徧之義故其字通淪率雙聲
淪薰疊韻也

罹毒也

注憂思慘毒

疏

毒者廣雅云痛也惡也苦也罹
者釋詁云憂也憂苦義相成

檢同也

注模範同等

疏

同者共也俱也皆也詩車攻傳
齊也吉日箋聚也說文合會也

聚亦合會之義皆俱共即齊之義也檢者禁也局也又

法度也皆無同義錢氏荅問云檢當為僉郭本譌作檢
今按小爾雅云

僉同也是其證

鄧過也

注道路所經過

疏

過者上文云逸僇過也過謂
失誤凡非議人及罪責人亦

為過也鄧者古本作尤文選弔屈原文注引爾雅亦作尤
爾雅注曰尤怨人也列子楊朱篇釋文引爾雅亦作尤

過也是皆鄧本作尤之證故詩載馳傳及四月箋又洪
範五行傳注及論語為政篇包咸注竝云尤過也俱本

爾雅通作鄧詩賓之初筵箋及王制注又晉語楚語注
竝云鄧過也是皆俗鄧為尤郭緣詞生訓以鄧為鄧驛

之鄧誤矣然鄧固俗聲尤字亦非正體依文尤當作訖
詩俾無訖矣然鄧固俗聲尤字亦非正體依文尤當作訖

遜遜也

注謂逃也

疏

遜與遁同說文竝云逃也玉篇云
遜還也隱也經典遁遜通易下經

釋文遜字又作遂爾雅釋文與易同遜又作遁矣遜者
說文云遁也通作孫詩公孫碩膚箋孫讀當如公孫于

齊之孫孫之言孫遁也正
義引孫炎曰遁逃去也

樊躅也

注前覆債僵也

注卻偃

疏

躅者說文云僵也引
春秋傳晉人躅之

什說文云什頓也釋名云什踏也頓踏而前也釋木釋

文踏或作什是什踏古字通弊者說文云頓什也或作

斨檀弓及表記注並云斨什也左氏定八年正義引釋

言云斨什也又引孫炎云前覆曰什釋文引同是皆爾

雅古本踏作什之證釋文斨字亦作弊玉篇弊俗斨字

○僵者說文云償也償僵也釋名云僵正直置然也然

則僵什皆顛頓之名但細分之什是前覆僵為卻僵償

斨亦然故左氏隱三年傳鄭伯之車償于濟正義

引舍人曰背踏意也按背踏謂仰什即卻僵之義

眇眇也注謂眇絕疏也眇者釋詁云盡也眇者田界之盡

又眇聲俱从眇聲

曷益也注益何不疏通者廣雅云何也玉篇云何不也

公乎鄭注蓋皆當為益益何不也今按蓋从益聲古字

通用故秦策云蓋可忽乎哉蓋即益也又通作闔管子

小稱篇云闔不起為寡人壽乎莊子天地篇云夫子闔

行邪釋文闔本亦作益闔亦从益得聲也曷者說文云

何也詩內曷字箋並訓何通作害詩害澣害否不瑕有

害傳箋並云害何也苑桺及長發傳並云曷害也經典

多以害為曷故書時日曷喪孟子作時日害喪書大誥

凡言曷漢書翟方進傳並作害詩葛覃釋文害與曷同

廣雅云害曷益何也

虹潰也注謂潰敗疏引蒼頡篇云潰芻決也詩召旻傳

潰潰亂也虹者註之假借也說文云潰芻決也引詩曰

賊內註今召旻傳作江反今按降古讀若洪水經河水東

文虹李本作降下江反今按降古讀若洪水經河水東

北過黎陽縣南注云尚書禹貢曰北過降水不遵其道

日降亦曰潰說文云洛水不遵道玉篇胡公胡江二切

又洛潰也胡公即虹字之音是洛與降同故李巡以降

為註酈注

以洛為降

陪闇也注陪然冥貌疏闇者說文云閉門也玉篇云幽

者玉篇與暗同陪字林或作暗同陪字皆非也陪於經

音義十二又以暗陪二形為古文暗字皆非也陪於經

者玉篇與暗同陪字林或作暗同陪字皆非也陪於經

音義十二又以暗陪二形為古文暗字皆非也陪於經

者玉篇與暗同陪字林或作暗同陪字皆非也陪於經

音義十二又以暗陪二形為古文暗字皆非也陪於經

者玉篇與暗同陪字林或作暗同陪字皆非也陪於經

音義十二又以暗陪二形為古文暗字皆非也陪於經

者玉篇與暗同陪字林或作暗同陪字皆非也陪於經

音義十二又以暗陪二形為古文暗字皆非也陪於經

者玉篇與暗同陪字林或作暗同陪字皆非也陪於經

典無見疑陰之別體也說文云陰闈也錢氏荅問云陰本當為陰論語高宗諒陰鄭訓陰為闈說文亦訓陰為闈皆據此文古書陰與音通左傳鹿舛不擇音是也本義由於未通六書之旨

黏膠也

注膠黏

疏膠者釋詁云固也固之言黏也黏訓與暱同釋詁云暱近也暱近與膠固義近聲借為黏說文黏同釋詁云黏也引春秋傳曰不義不黏今左氏隱元年傳黏作暱考工記弓人注杜子春引作不義不昵云昵或為黏是黏昵通

厥甚也

厥其也

夏禮也

注謂常禮

疏夏者釋詁云常也秩亦常也禮為天秩秩為天常故周禮大宰注禮為

經常所秉禮法常所守也

闈臺也

注城門臺

疏臺者門臺也禮器云不臺門古者闈者說文云闈闈城曲重門也爾雅以為臺者門有臺也故詩出其東門傳闈城臺也釋文引孫炎云積土如水渚所以望氣祥也郭義本

毛傳詳見釋宮闈謂之臺

囚拘也

注謂拘執

疏拘者說文云止也按止如晉人止是也囚者說文云繫也詩泮水傳及周禮序官掌囚注竝云囚拘也樂記云釋箕子之囚史記畱侯世家作釋箕子之拘集解徐廣曰

拘一作囚是囚拘同義

攸所也

疏所者一切經音義二引三蒼云處也所又語詞攸者經典俱訓所通作道說文作鹵云氣行兒讀若攸按漢書之攸多借道為之如地理志豐水

道同九州道五行志彝倫道敘彝倫道數竝以道為攸也地理志注道古攸字

展適也

注得自申展皆適意

疏適者一切經音義一引三蒼云悅也廣雅云善

也善與悅皆快適之意展者釋詁云信也本以誠信為訓亦兼屈信之義古屈伸字皆借信為之故展又訓伸也舒也方言云舒勃展也舒亦自伸適之義舒伸適又俱一聲之轉

鬱氣也

注鬱然氣出**疏**以氣與氣同鬱與鬱同鬱本香草之一切經音義二引李巡曰鬱盛氣也詩雲漢釋文引韓詩云鬱隆炯炯素問至真要大論云諸氣臏鬱左氏

定二年傳鬱攸從之杜預注鬱攸火氣也是皆鬱為盛氣之義

宅居也

疏居者說文作宀云處也玉篇宀與居同宅者之也玉篇云人之居舍曰宅宅皆訓居說文訓託者託宅俱从毛聲故士相見禮注今宅或為託是託宅通

又通作度方言云度冗也詩度之夢夢爰究爰度傳並云度居也書何度非及史記周紀作何居非其空是皆度訓居之證古書宅多作度是鎬京此維與宅論衡初稟篇

詩宅是鎬京坊記作度是鎬京此維與宅論衡初稟篇作此惟予度是皆宅作度之

證宅度古同聲度居聲又近

休慶也

疏慶者說文云行賀人也詩慶既令居祭統云其善也休者釋詁云美也美善義同故廣雅云休善也玉篇云休美也福祿也慶善也休與休同周語云休善也

有憂未嘗不感有慶未嘗不怡又云為晉休戚是休訓慶也韋昭注以慶為福休為喜其義亦近

祈叫也

注祈祭者叫呼而請事**疏**北山傳叫號呼召也詩叫與訓通又與蹠通說文蹠訓並云大呼也祈者釋詁云告也又訓叫者叫告義同故一切經音義九引孫炎

曰祈為民求福叫告之辭也大祝注祈嘑也嘑即叫

濬幽深也

注濬亦深也**疏**深者玉篇云邃也遠也濬者書曰容畎澮距川或作濬古文作濬書濬濬濬也引虞

引舍人曰濬下之深也通作濬詩莫浚匪泉傳浚深也穀梁莊九年傳浚洙者深洙也幽者釋詁云微也微有

濬藏之意故詩伐木傳幽深也斯干傳幽幽深遠也

哲智也

疏智者說文作智云識詞也釋名云智知也無所不知也哲者說文方言並云知也書舜典

正義引舍人曰哲大智也知智古字
通智哲聲相轉經典哲亦多作智

弄玩也

尹正也 [注] 謂官正也 **皇匡正也** [注] 詩曰四國是皇 [疏] 正者

釋詁云長也長亦君故廣雅云正君也詩傳箋云正
長也是正兼官長君長二義尹者說文云治也治亦董

正之義故詩都人士傳及書益稷鄭注云尹正也廣
雅以尹為官官之正也說文从尹為君君之正也君尊

所以尹正天下者也故經典君尹二字通○又言正者
釋詁云董督正也說文云正是也匡者玉篇云方正也

方直皆正之訓故詩六月箋及夏官序官匡人注云
匡正也匡皇聲近故詩破斧傳皇匡也詩考引董氏云

皇齊詩作匡是匡皇同毛傳以皇
為匡本於齊詩其義互相證明也

服整也 [注] 服御之令齊整 [疏] 整者說文云齊也文選東
之無斃好人服之鄭箋云云
服整也郭以服御為言失之

聘問也 [注] 見穀梁傳 [疏] 問者說文云訊也聘者說文作
問故詩靡使歸聘傳聘問
也郭引穀梁隱九年傳同

愧慙也

極誅也 [注] 書曰鯀則極外 [疏] 誅者說文云討也曲禮注
誅有二義左氏莊八年傳誅屢於徒人費襄卅一年傳

誅求無厭此皆以責讓為義也易禘卦云明夷誅也釋
文引荀云誅滅也陸韓云傷也秦策云使復姚賈而誅

韓非此皆以殺戮為義也以殺為義則誅與殊同極者
說文云殊也引虞書曰極于羽山段氏玉裁說文注

謂爾雅極當作為極今略採其說云尚書則極外釋文
極本作極我乃其大罰極紂於商郊牧野正義屈極釋言

之屈鄭箋屈極也罰極紂於商郊牧野正義屈極釋言
文釋言又云極誅也武王致天所罰誅紂於牧野定本

集注極皆作極極是殺非也據此箋疏可證爾雅是極
非極又菀桺後予極焉鄭箋極誅也正義曰極誅釋言

文此又一證又周禮八柄廢以馭其罪鄭注廢放也舜

極 鯨于羽山是也又昭七年左傳晉堯姬鯨於羽山釋文極本又作極此又兩證又魏志武帝紀致屈官渡裴注引鴻範鯨則極外作極可證又鄭志荅趙商鯨放居東裔非誅外左傳說流四凶族投諸四裔而已舜實未嘗殺鯨而鯨外於放所作極鯨者為正極為假借字極窮也窮與誅義相足說文曰誅討也討不必殺之

克能也

翌明也 注書曰翌日乃瘳 疏翌者昱之假音也說文昱翌廣韻翌明日也漢書武帝紀云翌日親登嵩高應劭注翌明也書王翼日乃瘳郭引翼作翌越翼日癸巳漢書律曆志作若翌日癸巳

訥訟也 注言訟 疏訟者說文云爭也訥者說文作詢告于訥傳箋竝云訥訟也通作詢荀子天論篇云君子不為小人匈匈也輟行楊倞注匈匈喧譁之聲與訥同又通作兇素問移精變氣論云粗工兇兇按訥說文或作說是素問兇即說之省荀子匈亦詢之省矣訥訟以

晦冥也 疏冥者上文云幼也說文云幽也易豫釋文引月盡也月盡則光闇昧故詩斯干箋冥夜也晦者說文云風雨傳晦昏也昏昧皆冥之義故公穀傳昧也昧則幽昏故以晦為冥也冥讀如字釋文亾定反

奔走也 疏走者說文云趨也釋名云疾趨曰走走奏也變也有急變奔走異經典則同故呂覽權勳篇云齊王走莒之奔是奔走異經典則同故呂覽權勳篇云齊王走莒走即奔也晉語云見王必下奔奔即走也說文奔走字皆从犬故奔走同意

逡退也 注外傳曰已復於事而逡 疏退者說文作復云退少逡遁也聘禮注三退三逡遁也玉藻注俛逡遁而退箸屨也遁皆與巡同鄭俱本爾雅為訓也逡者說文云復也復即復字形近而譌玉篇逡巡也退也卻也廣韻逡巡退也皆用爾雅可證矣方言云逡循也循與遁

聲為義也 疏冥者上文云幼也說文云幽也易豫釋文引月盡也月盡則光闇昧故詩斯干箋冥夜也晦者說文云風雨傳晦昏也昏昧皆冥之義故公穀傳昧也昧則幽昏故以晦為冥也冥讀如字釋文亾定反

聲為義也 疏冥者上文云幼也說文云幽也易豫釋文引月盡也月盡則光闇昧故詩斯干箋冥夜也晦者說文云風雨傳晦昏也昏昧皆冥之義故公穀傳昧也昧則幽昏故以晦為冥也冥讀如字釋文亾定反

聲為義也 疏冥者上文云幼也說文云幽也易豫釋文引月盡也月盡則光闇昧故詩斯干箋冥夜也晦者說文云風雨傳晦昏也昏昧皆冥之義故公穀傳昧也昧則幽昏故以晦為冥也冥讀如字釋文亾定反

聲為義也 疏冥者上文云幼也說文云幽也易豫釋文引月盡也月盡則光闇昧故詩斯干箋冥夜也晦者說文云風雨傳晦昏也昏昧皆冥之義故公穀傳昧也昧則幽昏故以晦為冥也冥讀如字釋文亾定反

聲為義也 疏冥者上文云幼也說文云幽也易豫釋文引月盡也月盡則光闇昧故詩斯干箋冥夜也晦者說文云風雨傳晦昏也昏昧皆冥之義故公穀傳昧也昧則幽昏故以晦為冥也冥讀如字釋文亾定反

聲為義也 疏冥者上文云幼也說文云幽也易豫釋文引月盡也月盡則光闇昧故詩斯干箋冥夜也晦者說文云風雨傳晦昏也昏昧皆冥之義故公穀傳昧也昧則幽昏故以晦為冥也冥讀如字釋文亾定反

聲為義也 疏冥者上文云幼也說文云幽也易豫釋文引月盡也月盡則光闇昧故詩斯干箋冥夜也晦者說文云風雨傳晦昏也昏昧皆冥之義故公穀傳昧也昧則幽昏故以晦為冥也冥讀如字釋文亾定反

聲為義也 疏冥者上文云幼也說文云幽也易豫釋文引月盡也月盡則光闇昧故詩斯干箋冥夜也晦者說文云風雨傳晦昏也昏昧皆冥之義故公穀傳昧也昧則幽昏故以晦為冥也冥讀如字釋文亾定反

聲為義也 疏冥者上文云幼也說文云幽也易豫釋文引月盡也月盡則光闇昧故詩斯干箋冥夜也晦者說文云風雨傳晦昏也昏昧皆冥之義故公穀傳昧也昧則幽昏故以晦為冥也冥讀如字釋文亾定反

聲為義也 疏冥者上文云幼也說文云幽也易豫釋文引月盡也月盡則光闇昧故詩斯干箋冥夜也晦者說文云風雨傳晦昏也昏昧皆冥之義故公穀傳昧也昧則幽昏故以晦為冥也冥讀如字釋文亾定反

聲為義也 疏冥者上文云幼也說文云幽也易豫釋文引月盡也月盡則光闇昧故詩斯干箋冥夜也晦者說文云風雨傳晦昏也昏昧皆冥之義故公穀傳昧也昧則幽昏故以晦為冥也冥讀如字釋文亾定反

也說文引詩作神罔時侗云侗大貌與郭音同義異詩
思齊傳本爾雅桑柔云哀侗中國史記燕世家云百姓
怨恫皆以恫為痛也桑柔釋文恫
本又作痾痾蓋恫之或體見玉篇

握具也注謂備具疏具者釋詁云供峙其具也握者釋
今按幄說文作握云木帳也釋名云帳張也然則張施
陳設與供具義近通作屋詩夏屋箋屋具也正義云釋

振訊也注振者奮迅疏訊者迅之假借也振者說文云
句同振奮即振訊故廣雅云奮振也又云奮訊也訊即
迅故樂記注奮迅也管子勢篇云大周之先可以奮信
信亦迅也迅為正體信訊俱假音故詩雄雉七月釋文
及樂記公羊莊八年釋文竝云訊本作迅迅訓疾疾有
奮厲之意與振動義

鬩恨也注相怨恨疏恨者當作很玉篇云很戾也諍訟
近振迅之聲又近也

也違戾其義同鬩者說文云恆訟也引詩兄弟鬩于牆
也門從兒兒善訟者也詩常棣傳鬩很也曲禮注很戾
也是毛鄭俱作很爾雅釋文引孫炎亦作很云相很戾
也很音戶懇反左氏僖廿四年正義引釋言亦作鬩很
又引李巡本作恨云相怨恨郭注從李巡今按恨

越揚也注謂發揚疏揚者說文云飛舉也易揚于王庭
聲清越以長鄭注越猶揚也周語云汨越九原又云以
揚沈伏而黜散越韋昭注竝云越揚也詩對越在天對

對遂也注詩曰對揚王休疏對者詩以對于天下對揚
鄭箋對訓配越訓於似失之

燬火也注詩曰王室如燬燬齊人語疏火者古讀如毀
明其聲同釋名云火化也消化物也亦言毀也物入中
皆毀壞也詩七月流火與八月萑葦韻是皆火讀如毀

也說文引詩作神罔時侗云侗大貌與郭音同義異詩
思齊傳本爾雅桑柔云哀侗中國史記燕世家云百姓
怨恫皆以恫為痛也桑柔釋文恫
本又作痾痾蓋恫之或體見玉篇

握具也注謂備具疏具者釋詁云供峙其具也握者釋
今按幄說文作握云木帳也釋名云帳張也然則張施
陳設與供具義近通作屋詩夏屋箋屋具也正義云釋

振訊也注振者奮迅疏訊者迅之假借也振者說文云
句同振奮即振訊故廣雅云奮振也又云奮訊也訊即
迅故樂記注奮迅也管子勢篇云大周之先可以奮信
信亦迅也迅為正體信訊俱假音故詩雄雉七月釋文
及樂記公羊莊八年釋文竝云訊本作迅迅訓疾疾有
奮厲之意與振動義

之證今音又轉為呼果切故詩汝墳釋文引郭璞燬又音貨是今音矣詩正義引李巡云燬為訓於義亦通燬言有輕重故謂火為燬此皆以音讀為燬燬火也楚轉語也猶齊言焜火也周禮序官司烜氏注烜讀如衛侯燬之燬是燬烜同說文以烜為燬燬之重文與鄭異懈怠也宣緩也注謂寬緩疏懈怠郭氏無注一切經音義通故易序卦云解者緩也廣雅云懈緩也是懈怠與宣同

遇偶也注偶爾相值遇疏也言不期而相值逢遇者逢釋詁又訓偶者偶遇聲同也大宗伯注遇偶也欲其若不期而偶至文選注兩引爾雅竝作偶遇也二人相對遇也義二亦引作偶遇也釋名云耦遇也耦與偶同然則爾雅古本或作偶遇但偶遇遇偶二義俱通遇偶俱从禺聲古音在侯部是二字聲義同

曩也注國語曰曩而言戲也疏曩者說文云不久也秋水篇云證曩今故釋文引崔注曩往也曩者說文云曩也釋詁云久也爾雅以曩為久說文以曩為不久其義兩通故檀弓云曩者爾心或開予是曩為未久之詞文選北征賦云豈曩秦之所圖是曩為久詞其義則皆為曩也郭引晉語文韋昭注曩向也北征賦注亦云曩猶向時也向與曩音義同又作嚮或作鄉竝古字通也

惶暇也注詩曰不遑啟處疏暇者說文云閑也與閒同日閒暇無事也通作假書須夏之子孫詩皇矣箋須夏作須假釋文假戶嫁反本又作暇正義引書多方鄭注夏之言暇詩昭假遲遲箋亦以假為暇矣惶者經典通作遑皆皇之或體也皇與假俱訓大又俱為暇其義實相足成後人見經典皇暇之皇皆作遑遂以遑為正體遑變作惶又省作惶反以皇為通俗殊不知書云則皇自敬德表記云皇恤我後皇皆訓暇又左氏襄廿五年傳皇恤我後昭七年傳社稷之不皇襄廿六年及哀五年傳皇不敢怠皇是皆遑作皇之證襄廿九年正義引李巡曰遑閒暇也詩般其雷釋文遑本或作惶爾雅釋文

巡曰遑閒暇也詩般其雷釋文遑本或作惶爾雅釋文

亦云遑或作惶通作皇是陸德明亦不知

皇為本字矣暇古讀如戶惶暇一聲之轉

竝引舍人曰宵陽氣消也

宵夜也疏說文云夜舍也天下休舍也又云宵夜也司

懊忤也注謂憂忤惕貪也注謂貪羨疏也忤者說文云貪

歲而漱日左氏昭元年傳文晉語作忤日而漱歲韋昭

注以忤愉漱遲為訓其說未明杜預注謂翫惕皆貪是

也翫與忤惕與漱竝古字通易繫辭云所樂而玩者釋

文引馬云玩貪也鄭作翫是翫玩竝忤之假音矣懊者

玉篇云於六切貪也忤五亂切貪也憂也揆取入他分

轉○貪者說文云欲物也釋名云貪揆也揆取入他分

也惕者說文以為憩字其引左傳作漱云欲飲也欲飲

欲物其義俱為貪也玉篇惕居例切貪羨也按居例乃

憩字之音惕本漱之通借當苦葛

切爾雅釋文惕苦蓋反此音是矣

楷柱也注相楷柱疏柱者說文云楹也玉篇訓楹者音

塞即楷柱之義也楷者說文云柱砥古用木今以石玉

篇云楷柱也釋文楷柱作楷柱俱从手旁非也楷柱之

聲又相轉

裁節也疏節者止也有儉省之意故賈子道術篇云費

也有減損之義易云后以財成天地之道鄭注財節也釋文財苟本作裁

竝併也注詩曰竝坐鼓瑟疏併者并也竝者比也說文

通用故儀禮注今文竝皆為併又云古文竝皆作併

卒旣也注旣已疏旣者如春秋日食旣之旣公穀桓三

鄉飲酒禮注旣卒也卒者釋詁云盡也

情慮也注謂謀慮也疏慮者釋詁云謀也思也情者說

釋文云情音囚字書作情按玉篇情字雖有囚音又殂

冬切即情字之音然玉篇旣本說文別出情字云樂也

虞廡也

注或說云即倉廡所未詳

疏

廡者玉篇云倉也廡也廡者說文作

向云穀所振入宗廟棗盛蒼黃而取之故謂之向或

從廣稟是廡為或體經典俱作廡詩豐年傳廡所以藏

鄭云藏米二說不同要為倉之總名故豐年釋文廡倉

也是矣爾雅釋文引舍人云廡少鮮也孫炎云廡藏穀

鮮絮也是爾雅及舍人俱以廡為鮮或以取鮮少或取鮮

潔可知古本廡止作鮮後人淺俗妄以意作廡耳郭云

未詳蓋以經典無廡字故也若作鮮訓少也廡亦少

意故公羊文十三年傳羣公廡何休注廡者連新於陳

亦少之意是廡為鮮少之名釋名云廡矜也矜惜

亦少之義與舍人合然則廡訓為鮮其證明矣

道逃也**注**亦見禮記**疏**正義引樊光云行相避逃謂之

道郭云見禮記者緇衣引大甲文鄭注用爾雅

訊言也**注**相問訊**疏**言者對語之稱則直言曰言對訊

曲禮君言不宿於家鄭注言謂有故所問也豕人云言鸞車象

言鄭眾注言言有所告請若有所問也豕人云言鸞車象

名云言言宣也宣彼此之意也然則自言與問人通謂之

言矣訊者說文云問也經典訊多訓問問亦言也故詩

出車箋及小司寇司刺注竝云訊言也出車傳又云訊

閒覩也

注左傳謂之謀今之細作也

疏

覩者說文云警

本爾雅為訓也詩覩天之妹韓詩覩作磬云警也又說

文所本矣閒者釋詁云代也閒謂空隙居其中則為閒

代出其外則為閒見云罕警而諭方言謂之代語說坊說

必取非閒見其義一也郭訓閒為謀非矣閒覩雙聲

文謂之閒見其義一也郭訓閒為謀非矣閒覩雙聲

云沆也

注水流漉沆

疏

說文云沆漉沆也言其平望莽莽無

涯際也一切經音義七引通俗文云水廣大謂之漭沆也
法云王逸注云轉流也讀若混楚辭哀歲篇云流水兮
轉流法讀若混亦與沆為雙聲

干扞也 [注] 相扞衛 [疏] 扞者說文云枝也玉篇云衛也與
捍通作敦書汝多修扞我于艱說文引作敦我于艱云
說文云戡盾也禁禦之義與衛義同也干者戡之假借也
也公侯干城左氏成十二年傳引又曰此公侯之所扞
扞城其民也書正義及詩釋文並引孫炎曰干楯所以
以自蔽扞也說文云盾所以扞身蔽目是孫義所本

趾足也 [注] 足脚 [疏] 趾足 [疏] 釋名云足續也言續
也故老子上云常德乃足河上公注足止也趾者說文
北止鄭注止也象艸木出有趾故內經云渠股豚止漢
書禮樂志云獲白麟爰五止皆以止為趾也老子下云
言行一進一止也趾足聲相轉

文云跖斷足也或从兀作跖別絕也經典俱借別為跖
故書呂刑正義引李巡云斷足曰跖也莊子養生主篇
釋文引崔云跖斷足也跖者說文云跖也讀若匪通作
荆釋文跖本亦作荆經典俱以荆為跖蓋或體字也

襄駕也 [注] 書曰懷山襄陵 [疏] 駕者加也玉篇云上也廣
凌與陵乘與乘同左氏昭元年傳猶詐晉而駕焉杜預
注駕猶陵也然則駕取乘陵之義乘陵亦加上之言不
獨馬在軌中稱駕矣襄者驥之假借也說文云驥馬之
低印也玉篇云驥駕也是襄駕之襄當作驥省作襄故
詩兩服也玉篇云襄終日七襄鄭箋竝云襄駕也

忝辱也

煥煖也 [注] 今江東通言煥 [疏] 煥者說文與煥竝云溫也
蓋即煥煖之或體又云煥乃管切煥火園切分為二音
非也煖從爰聲煥从奐聲二字音同與煥相轉今讀煖
乃管切煥於六切其音遂不復通矣煥者說文云熱在
中也詩無衣傳煥煖也小明傳奧煖也奧與煥同書云

文云跖斷足也或从兀作跖別絕也經典俱借別為跖
故書呂刑正義引李巡云斷足曰跖也莊子養生主篇
釋文引崔云跖斷足也跖者說文云跖也讀若匪通作
荆釋文跖本亦作荆經典俱以荆為跖蓋或體字也

文云跖斷足也或从兀作跖別絕也經典俱借別為跖
故書呂刑正義引李巡云斷足曰跖也莊子養生主篇
釋文引崔云跖斷足也跖者說文云跖也讀若匪通作
荆釋文跖本亦作荆經典俱以荆為跖蓋或體字也

文云跖斷足也或从兀作跖別絕也經典俱借別為跖
故書呂刑正義引李巡云斷足曰跖也莊子養生主篇
釋文引崔云跖斷足也跖者說文云跖也讀若匪通作
荆釋文跖本亦作荆經典俱以荆為跖蓋或體字也

文云跖斷足也或从兀作跖別絕也經典俱借別為跖
故書呂刑正義引李巡云斷足曰跖也莊子養生主篇
釋文引崔云跖斷足也跖者說文云跖也讀若匪通作
荆釋文跖本亦作荆經典俱以荆為跖蓋或體字也

燠若史記宋世家作奧若洪
範正義引舍人曰燠溫煖也

塊塤也注土塊也外傳曰枕由以塤疏塤者說文云由

从鬼作塊又云璞由也璞或从土作垚吳語云涓人疇

枕王以璞郭引璞作塤塤璞義同注作由字形之誤也

旣夕記疏引孫炎云塤土塊也

將齊也注謂分齊也詩曰或肆或將疏齊者亨人注齊

限也將者詩或肆或將傳將齊也正義及爾雅釋文竝

引王肅云分齊其肉所當用也又旣齊旣稷釋文

齊鄭音資一音才細反謂分齊也皆與郭義合

餽餽也注糜也疏餽者說文云糜也糜訓糝與餽別而

即粥字今讀若周此古音也說文餽云周謂之餽宋謂

之餽本改餽從餽與餽同餽是餽之稠者內則釋文餽

厚粥也然則爾雅之餽當作餽矣餽者餽之假音也說

文餽鍵也然則爾雅之餽當作餽矣餽者餽之假音也說

鬻或作糊糊即餽之或體是餽鬻通

啟跪也注小踞疏跪者說文云拜也釋名云跪危也兩

注竝引聲類云跪踞也啟者詩四牡采薇傳箋竝云啟

跪也左氏襄八年及廿九年正義竝引李巡曰啟小跪

也是郭所本

瞻密也注謂緻密疏密者緻也如蜜所塗無不滿也瞻者

說文作瞻云目旁薄緻也按薄緻謂文理緻密也

也猶縣縣說文云縣縣微也釋訓孫炎注縣縣言詳密

也是縣密即瞻密俱雙聲字

袍繡也注左傳曰重繡衣裘疏繡者說文云繡衣也以

秋傳盛夏重繡左氏襄廿一年傳文也今左傳及經典

異名也爾雅釋文襦本亦作繭繭衣也袍者釋名云袍
丈夫著下至跗者也袍苞也苞內衣也婦人以絳作衣
裳上下連四起施緣亦曰袍義亦然也方言云襖明謂
之袍按古人以袍為裏衣故喪大記云袍必有表不禪
鄭注袍褻衣詩與子同袍與與子同澤對箋亦云澤褻
衣然則袍襦俱私褻之服左傳言重襦衣裘亦非禪服
障畛也注謂壅障疏京賦注引宋衷大玄經注畛界也
障者說文云隔也釋文又界也然則障畛皆有界限之
義界限所以隔別也文選北征賦注引蒼頡篇云障小
城也按城垣為限與田陌為界
其義亦近障畛又一聲之轉

靦姑也注面姑然疏婚者說文云面醜也醜蓋靦字形
靦者詩傳用爾雅說文云面見也詩正義引作面靦是也
無也字若依舍人注說文云面見當為面兒亦字形之誤
也越語云余雖靦然舍人云面見當為面兒亦字形之誤
靦為面兒故釋文引舍人云靦面貌也靦訓姑者釋文
引孫李云靦人面姑然也

糜糜也注淖糜疏糜者說文訓糝糝以米和羹一日粒
糜糜通名故釋名云糜煮米使糜爛也粥淖於糜粥粥
然也糜者經典省作粥而訓糜玉篇粥糜也既夕禮云
鬻粥鄭注粥糜也粥皆鬻字之省左氏僖廿八年昭七
年正義及釋文並引孫炎云鬻淖糜也是郭所本上文
餽餽郭云糜也此云淖糜然則四者同類而異名稠者
曰糜淖者曰鬻今俗語猶然也又左傳正義俱連引餽
餽鬻糜二文今隔別
者或傳書者誤分之

舒緩也注謂遲緩疏上云宣緩也此云舒緩者舒宣聲
徐遲二訓實則其義俱為緩也通作
紓說文及詩采菽傳並云紓緩也

翮翮也注今之羽葆幢翮也注舞者所以自蔽翮疏
翮者翮之別體也說文云翮翮也所以舞也引詩曰左
執翮君子陽陽傳翮也翮也釋文翮俗作翮爾雅釋
文翮字又作翮是翮古本作翮今作翮俗作翮耳詩正
義引孫炎云翮舞者所持羽也翮者無正體經典作翮

佳二

狂復也 注狂快復為 疏復者又也重複之義狂者徠之習也快也或與狂同經典俱作狂詩大叔于田傳狂習也箋云復也小爾雅云快也按魯語云夕而習復是習復同義釋文引李巡云狂能屈申曰復臚詩正義引孫炎云狂快前事復為也郭與孫同

逼迫也

般還也 注左傳曰般馬之聲 疏還者與旋同回也轉也者說文云辟也象舟之旋按周旋本此周舟古字通齊華周字還亦作華舟是其證也易夷于左股釋文引馬王肅作般云旋也日隨天左旋也推之易云盤桓即般還也還亦音環故爾雅釋文還音旋或音環般郭音班

一音蒲安反 兼二音是也

班賦也 注謂布與 疏賦者詩烝民傳云賦布布即班聲同玉篇引云分瑞也無玉字蓋本書班瑞而為說周語注班分也周語云其適來班貢韋昭注班賦也一切經

濟渡也濟成也濟益也 注所以廣異訓各隨事為異 疏音義十四引李巡云班徧賦與也書舜典正義引孫炎云謂布與也按班有徧義故李巡以班徧為言徧與辨者布徧還之辭與李巡合通作頌小爾雅云頌賦布也祭義注頌之言分也文選馬汧督誅注頌與班古字通又與盼同王制注名山大澤不以盼鄭注盼讀為班

緡綸也 注詩曰維絲伊緡緡繩也江東謂之綸 疏綸者貉縮綸注云綸者繩也詩言綸之繩傳綸釣繳也緡者說文云釣魚繫也詩何彼穠矣傳緡綸也正義引孫炎

八年傳世濟其美竝以濟為益也
氏桓十一年傳益請濟師於王文十
轉樂記云事蚤濟也祭統云夫義者所以濟志也鄭注
竝云濟成也○濟又為益者益增也增濟亦聲相轉左
注猶今云濟度楚辭潛賢篇云年忽忽而日度皆借度
為渡渡以過去為義也○濟又訓成者成就也就濟聲
檀弓注竝云濟渡也省作度方言云過度謂之涉濟郭
檀者說文云濟也廣雅云過也濟者詩匏有苦葉傳及

云皆繩名也史記平準書言緡錢

辟歷也 [注]未詳 [疏]說文者釋詁云法也歷者麻之假借也

凡聲近之字古人多以為訓如霹靂說文作霹歷釋名作辟歷釋采帛云并者歷辟而密也然則歷辟歷俱以聲為義也說文麻从秝聲秝讀若歷又彛與辟同而訓治麻亦訓治是皆義同之字以聲為義者也

滌盪也 [注]漉漉出涎沫 [疏]盪者與漉同滌也素問瘧論

沫滌也鄭語注滌龍所吐沫按說文滌从彛聲彛力之切滌盪一

寬綽也 [注]謂寬裕也 [疏]綽者說文云緩也晉姜鼎銘有

本為屋寬大寬亦緩也故詩寬兮綽兮綽兮綽兮綽有裕毛傳綽綽寬也坊記注綽綽寬裕貌也爾雅邢疏引孫炎云

袞黻也 [注]袞衣有黻文 [疏]袞者說文云天子享先王卷

釋名云袞卷也畫卷龍於衣也按卷袞古音近經典偕卷為袞袞訓黻者黻為弗文取拂弼為義袞龍有蟠屈之形示不得伸以受弼正也故

日袞職有闕惟仲山甫補之

華皇也 [注]釋草曰葍華榮 [疏]皇者葍之假音釋草釋文

及爾雅疏引樊炎云詩云皇皇者華孫炎云皇皇猶煌煌也按郭注釋草引此作華皇也此釋文亦先華後皇石經及宋本竝同今本誤倒作皇華邵氏正義及臧氏漢注辨之是矣然邵氏不知說文驛部所引爾雅離華乃釋草之文臧氏未載樊

昆後也 [注]謂先後方俗語 [疏]昆者鬻之假音也說文云

鬻云今作昆鬻同經典通作昆左氏哀十八年傳昆命于元龜晉語云延及寡君之紹續昆裔杜預韋昭注竝云昆後也

彌終也

注終竟也

疏

彌者說文作彌云久長也久長與終義近故易繫辭釋文引荀注及

詩生民卷阿傳
並云彌終也

釋言終

